


DS
735
A2Y86
1771a
V.17



御批歷代通鑑輯覽卷之三十三

晉

孝宗穆皇帝

戊申永和四年秋八月加桓溫征西大將軍

朝廷論平蜀之功欲以豫章郡封溫左丞荀斐

字令遠崧之子

曰溫若復平河洛將何以賞之乃加溫征西大將軍開

府儀同三司封臨賀郡

注見前

公溫既滅蜀威名大振朝

廷憚之會稽王昱以殷浩夙有盛名朝野推服乃引為

心膂與參綜朝權欲以抗溫由是與溫浸相疑貳浩以

王羲之

字逸少導從子

為護軍將軍羲之以內外和協然後國

家可安勸浩不宜與溫構隙浩不從

殷浩徒以盛名未見實際
卽引以抗溫釀成疑貳是
激之變也義之協和之說
亦不過調停一時之見非
見機明決之論蓋當時人
心國政已不可救藥徒以
清談欲濟世弊所為抱薪

救火曹

九月燕王皝卒世子儁

字宣英嗣

皝有疾召儁屬之曰今中原未平方資賢傑以經世務

恪智勇兼濟才堪任重汝其委之陽士秋

陽鶩字鶩北平人

志

行高潔忠幹貞固可託大事汝善待之遂卒

趙立子世爲太子

初趙太子邃驍勇趙王虎愛之謂羣臣曰司馬氏父子

兄弟自相殘滅故朕得至此如朕有殺阿鐵

邃小字

理否

未幾邃謀逆虎誅之

虎荒耽酒色喜怒無常使邃省可尚書事誚責咎極月至再三邃私

謂中庶子李顏等曰官家難稱吾欲行冒頓之事卿能從我乎顏等伏不敢對邃因稱疾不視事虎使女尚書

往覲邃抽劍擊之虎大怒收顏等推問顏具言其狀遂殺顏等并誅邃

立子宣爲太子旣

而宣弟韜有寵于虎宣使人殺之事覺虎復殺宣

虎聞韜死

哀驚氣絕。久之方蘇。已。知為宣所殺。乃囚宣。殺之。鄴北窮極慘酷。宣少子方數歲。虎素愛。欲赦之。大臣不聽。取殺之。兒挽虎衣大呌。至于絕帶。虎因此發病。至是。議立太子。劉昭儀方有寵。

昭儀故趙主劉曜女。有殊色。虎嬖之。乃立其子世。以昭儀為后。虎謂羣臣純灰三斛。自滌其腸。何為專生惡子。年踰二十。輒欲殺父。今世方十歲。比其二十。吾已老矣。

己酉五年。趙太寧元年。石鑒青龍元年。燕慕容儁元年。春正月。趙王虎稱皇帝。

夏四月。趙主虎卒。太子世立。其兄遵弑之。及其太后劉氏而自立。

趙主虎病甚。以彭城王遵

虎第三子。

為大將軍。鎮關右。燕王

斌

勒之子。

為丞相。張豺為鎮衛大將軍。並受遺詔輔政。劉

后恐斌不利于太子。與張豺矯詔。免斌歸第。尋殺之。遵自幽州至鄴。敕朝堂受拜。遣之。遵涕泣而去。虎卒。世即

位尊劉后爲皇太后。劉氏臨朝稱制。遵至河內。聞喪。會

姚弋仲。蒲洪。及石閔。

虎養子。本姓冉。字永曾。內黃人。

等討梁犢還。

梁犢故東

宮高力督石宣旣誅犢及高力萬餘人。謫戍梁州。虎稱帝大赦。高力不在赦例。犢遂反。戍卒皆隨之。比至長安。衆十餘萬。遂出潼關。趣洛陽。所向奔潰。虎以弋仲爲征西大將軍。與石閔等討斬之。東宮高力。石宣簡多力之士。以衛東宮。號曰高力。置督將領之。

遇遵于李城。

在懷慶府溫縣。水經注。奉溝水逕李城北。

卽此。共說遵曰。殿下長且賢。先帝亦有意以爲嗣。末年惜

惑爲張豺所誤。

張豺勸虎立世。

今若聲豺之罪。鼓行而討之。其

誰不開門倒戈以迎殿下者。遵然之。遂舉兵趣鄴。以石閔爲前鋒。耆雋羯士皆出迎之。豺惶怖亦出迎。遵命執之。擐甲耀兵。入升前殿。擗踊盡哀。斬豺于市。夷其族。假劉氏令。以遵嗣位。封世爲譙王。廢劉氏爲太妃。尋皆殺

之。世在位三十日。以石閔為都督中外諸軍事。時沛王冲鎮

起兵討遵。遵遣石閔擊之。獲冲。賜死。

蒲洪遣使來降。

石閔言于趙主遵曰。蒲洪人傑也。今以鎮關中。洪以討

拜雍州刺史都督恐秦雍之地非復國家之有。宜改圖

之。遵遂罷洪都督。洪怒歸枋頭。洪先為流民督。帥諸氏

今河南衛輝府濬縣。水經注。魏武于淇水口下大枋木

以成堰。遏其水入白溝。以通漕運。時人號其處曰枋頭。

遣使來降。
秋七月。征討都督褚裒率師伐趙。不克而還。

桓溫聞趙亂。遣諸將經營北方。趙揚州刺史王浹舉壽

春降。西中郎將陳達進據之。征北大將軍褚裒上表請

稽哀拜疏北伐事雖無成
然尚有丈夫氣蔡謨謂當
度德量力豈以中原為不
應復乎事前無所建白退
有後言而史氏方以憂國
許之無識其矣

伐趙朝議以哀事任貴重不宜深入宜先遣偏師哀執

奏乃加哀征討大都督帥眾三萬徑赴彭城北方士民

降者日以千計朝野皆以為中原可復獨蔡謨憂之

人問

其故謨曰夫能順天乘時濟羣生于艱難者非上聖與
英雄不能為也其餘則莫若度德量力觀今日之事殆
非時賢所及必將經營分表疲民以逞既而才畧疎短
不能副心財殫力竭智勇俱困恐更貽朝廷之憂矣

魯郡民五百餘家起兵來附哀遣部將以銳卒迎之與

趙將李農遇敗沒陳達毀壽春奔還哀退屯廣陵未幾

還鎮京口

時河北大亂遺民二十餘萬渡河欲來歸附會哀已還威勢不振皆不能自拔死亡畧盡

哀慙憤發病而卒詔以荀美監徐兗軍事是歲梁州刺

史司馬勲帥眾出駱谷破趙戍三輔豪傑多應之勲兵
少不敢進遂向南陽拔宛城殺趙太守而還司馬勲濟南王遂之曾孫

九月張重華自稱涼王

先是朝廷授重華涼州刺史西平公至是遂自稱王

冬十一月趙石鑒虎庶子弒其主遵而自立

初趙主遵之發李城也謂石閔曰努力事成以爾為太

子既而立太子衍故燕王弒之子閔不平閔素驍勇屢立戰功

復總內外兵權中書令孟準勸遵誅之遵召鑒密議鑒

出告閔閔遂弒遵及衍推鑒即位鑒以閔為大將軍遵在

位一百八十三日

秦雍流民立蒲洪為主

秦雍流民相帥西歸石虎先破劉琨徙氏羌十五萬落于司冀州後破石生徙秦雍民及

氏羌十餘萬戶于關東今因趙亂故西歸路由枋頭共推蒲洪為主眾至十

餘萬鑒懼其逼欲以計遣之乃以洪為雍州牧洪會官

屬議應受與不。主簿程朴請與趙連和。分境而治。洪怒曰。吾不堪為天子邪。引朴斬之。

庚戌六年。

趙主石祗永寧元年。魏主冉閔永興元年。舊大國一。趙小國三。涼。燕。代。新大國一。魏。凡五僭國。春

閏正月。趙石閔弑其主鑒而自立。改國號魏。

先是。趙主鑒陰使樂平王苞

虎之子。

等攻石閔。不克。

鑒懼。夜殺

苞。將軍孫伏都。劉銖等復攻閔。為閔所殺。

閔乃以兵守鑒于御龍觀。下令城

中曰。同心者留。不同者各任所之。于是趙人百里內悉

入城。胡羯去者填門。閔知胡之不為已用。遂帥趙人以

誅胡羯。無貴賤男女少長。皆斬之。死者二十餘萬。

其屯戌四

方者。皆命趙人為將帥者誅之。或高鼻多鬚。濫死者半。

至是。汝陰王琨

亦虎之子。

起兵

討閔。諸將張沈。張賀度等。亦皆擁眾數萬。不附于閔。閔

擊琨敗之遂擊賀度鑒密使宦者召沈乘虛襲鄴宦者

以告閔閔馳還廢鑒祇之

并殺虎之孫二十八人盡滅石氏鑒在位一百三日

謂衆曰吾屬故晉人也請與諸君分制諸州郡奉迎天

子還都洛陽何如尚書胡睦曰陛下聖德應天宜登大

位晉氏衰微豈能混一四海乎閔曰尚書可謂識機知

命矣乃卽皇帝位國號大魏

閔未殺鑒時欲滅去石氏之迹託以識文有繼趙李

改國號曰衛易鑒姓爲李氏及已

僭位更號其國曰魏復姓冉氏
以殷浩督揚豫等州軍事

朝廷聞中原大亂復謀進取故以浩爲中軍將軍督揚

豫徐兗青州蒲洪爲征北大將軍督河北諸軍事

是夏廬江

太守袁真攻魏合肥克之明年鮮卑段龕以青州來降詔以爲鎮北將軍龕蘭之子也

蒲洪自稱三秦王改姓苻。

時姚弋仲據灃

書涉反。

頭

在今直隸冀州棗強縣東北。元和志：棗強縣外城即姚弋仲故

壘

蒲洪據枋頭各有西據關右之志弋仲遣其子襄

字景

國

擊洪洪迎擊破之自稱大都督大將軍大單于三秦

王以讖文有草付應王乃改姓苻氏以雷弱兒

南安人

梁

楞

安定人

魚遵

馮翊人

段陵

京兆人

為將相。

一月燕王儁擊趙拔薊城徙都之。

先是慕容霸

字道業號第五子後更名垂

上書于燕王儁請伐趙儁

猶豫未決將軍封奕慕輿根復言之儁乃以慕容恪慕

容評陽鶩為三輔將軍

恪為輔國評為輔弼鶩為輔義謂之三輔

慕容霸為

前鋒都督選兵二十萬講武戒嚴為進取之計至是儁

與霸及慕輿于三道並出趙守將皆走僞遂拔薊入都

之中州士女降者相繼

燕兵至范陽太守李產欲為趙拒燕眾莫為用乃降僞擢用之

于是悉置幽州郡縣守宰遂徇冀州取章武河間至渤海趙故殿中督賈堅擁眾不降慕容評與戰擒之以為

樂陵太守范陽章武河間皆晉國趙為郡范陽治涿府大城縣渤海晉郡沒于趙治南皮注亦

見前李產字子喬范陽人賈堅渤海人故趙將麻秋殺苻洪洪子健

字建業洪第三子

斬秋遣使來請命

麻秋為苻洪所獲洪以為軍師將軍秋說洪先收關中

然後東爭天下洪深然之既而秋因宴鴆洪欲并其眾

洪世子健收秋斬之洪將死謂健曰吾所以未入關者

以為中州可定今不幸為孺子所困中州非汝兄弟所

能辦我死汝急入關言終而卒健代統其眾乃去王號

稱晉官爵告喪請命

趙石祗

虎之子

稱帝于襄國

祗先以新興王鎮襄國冉閔既篡立趙公卿出奔者多

歸之于是祗遂稱帝

改元永寧

六夷

胡三省注胡羯氏羌段氏及巴蠻是為六夷

據州郡者皆舉兵以應祗以姚弋仲為右丞相待以殊禮弋仲子襄雄勇多才畧祗以為驃騎將軍又以苻健為鎮南大將軍

夏魏主閔徵故散騎常侍辛謐

字叔重隴西狄道人

為太常謐不食

而卒

謐有高名歷劉石之亂徵辟皆不就及是閔徵為太常謐移閔書以為物極則反致至則危君王宜歸身晉朝

必有由夷許由伯夷之廉。享松喬赤松子王子喬之壽。因不食而卒。

冬十一月。苻健入長安。遣使來獻捷。

先是。趙將王朗聞冉閔之亂。自長安赴洛。其司馬朴洪

據長安。自稱晉征北將軍。關西夷夏皆應之。至是。苻健

謀據關中。乃率兵入潼關。健欲取洪。恐洪知之。乃治宮

意。已自稱晉征西大將軍。悉眾而西。以黑遵為前鋒。治

浮橋以濟孟津。既濟。焚橋。自帥大衆。與其弟雄俱進。

苻雄字元才。洪字季子遣將迎戰。健敗之。遂長驅至長安。洪不能

守。奔司竹。園夕。元和志。園在盩厔縣東。有監丞掌之。健入長安。遣使詣建康。

獻捷。并修好于桓溫。洪尋為司馬張琚所殺。健擊琚斬之。

十二月。免蔡謨為庶人。

謨除司徒。三年不就職。謨謂所親曰。我若為司徒。將詔為後代所哂。義不敢拜也。

蔡謨三年不就職徵召以疾辭驕蹇不臣律以無將之誅實無可追苟美輒用危言沮止豈復知有大義耶尹起莘責其傲上不忠尚不失褒貶之正書法乃云免謨為無罪之辭則顛倒是非甚矣

書屢下終不受于是帝臨軒遣黃門侍中徵之使者十

餘反稱疾不至時帝方八歲自旦至申甚倦問左右曰所召人何至今不來臨軒何時當竟太

后乃詔罷朝會稽王昱等以謨違命無人臣禮請送廷尉謨

懼素服自到廷尉待罪殷浩欲加以大辟苟美曰蔡公

今日事危明日必有桓文之舉浩乃止詔免謨為庶人

辛七年秦主苻健皇始元年是歲趙亡舊大國一秦凡五僭國春正月

苻健自稱秦天王是為前秦

健長史賈元碩等請依劉備稱漢中王故事表健為都

督關中諸軍事大單于秦王健怒曰吾豈堪為秦王耶

且晉使未返我之官爵非汝曹所知也既而密使梁云

諷元碩等上尊號遂即天王大單于位國號大秦健分遣使

者問民疾苦。搜羅雋異。凡位之苛政。不便于民者。皆罷之。

夏四月。趙劉顯弑其主祗而自立。

先是。魏主閔攻襄國。趙主祗遣使乞師于燕及姚弋仲。

弋仲遣其子襄救之。

弋仲誠襄曰。冉閔棄仁背義。屠滅才十倍于閔。若不梟擒。不必復來見也。

燕王儁亦遣兵來會。

閔軍大敗。奔還鄴。

姚襄歸弋仲怒其不擒閔。杖之一百。

已而祗遣其將劉顯攻鄴。

閔大破顯軍。顯懼。密使請降。求弑祗以自效。

顯還。遂弑祗。祗在位一年而亡。後趙自石勒建國。至祗亡。凡七主。合二十三年。

未幾。顯自稱帝。明年。魏克襄國。殺顯。遷其民于鄴。

趙故汝陰王琨奔建康。斬之。于是石氏遂絕。

秋八月。魏徐克荊。豫洛即晉司州五州來降。

姚弋仲遣使來降。

詔以弋仲爲車騎大將軍六夷大都督。子襄爲平北將軍。督并州。

冬十二月。桓溫移軍武昌。尋復還鎮。

初。桓溫請經畧中原。事久不報。知朝廷仗殷浩以抗已。甚忿之。然素知浩之爲人。亦不之憚。以國無他釁。遂得相持彌年。雖有君臣之跡。羈縻而已。八州士衆資調。殆不爲國家用。屢求北伐。不聽。至是拜表輒行。帥衆四五萬順流而下。軍于武昌。朝廷大懼。浩欲去位以避溫。吏部尚書王彪之。字叔武。彬之子。言于會稽王昱曰。若浩去職。人情離駭。必有任其責者。非殿下而誰乎。又謂浩曰。彼若抗表問罪。卿爲之首。欲作匹夫。豈有全地邪。且當靜以

待之。令相王謂會稽王手書為陳成敗。彼必旋師。若不從。則

遣中詔。又不從。乃當以正義相裁。奈何無故怒怒。先自

猖獗乎。撫軍司馬高崧字茂璞。廣陵人。乃為昱草書。曰。寇難宜平。時會宜

接。能弘斯會。非足下而誰。然異常之舉。眾之所駭。遊聲

噂。想足下亦少聞之。苟或望風震擾。一時崩散。則望

實並喪。社稷之事去矣。吾與足下。雖職有內外。安社稷

保國家。其致一也。天下安危。繫之明德。當先寧國而後

圖其外。區區誠懷。豈可顧嫌而不盡哉。溫即上疏。惶恐致謝。回軍還鎮。

秦王健稱皇帝。

健以單于統壹百蠻。非天子所宜領。以授太子萇。

二月。殷浩使督統謝尚。荀羨。進屯壽春。張遇據許昌。叛降

于秦。

尚書左丞孔嚴

字彭祖愉從子

謂浩曰。韓彭專征伐。蕭曹守管

籥。君宜思廉。蘭屈身之誼。平勃交歡之謀。令穆然無間。

然後可以保大定功。浩不從。上疏請北出許洛。使尚。美

進屯壽春。張遇者。故魏將。以州來降。

七年八月遇以許昌降。

尚等

不能撫慰。遇仍據許昌。叛降于秦。浩軍不能進。命美鎮

下邳。

三月。姚弋仲卒。子襄率衆來歸。詔屯譙城。

此漢譙縣故城也。今潁州府亳

州是。考譙有三。一在河南夏邑。祖逖所據。一在江南滁州。晉僑置。曰南譙。梁又曰北譙。一卽此。

弋仲有子四十二人。臨卒。謂諸子曰。石氏待吾厚。本欲

爲之盡力。今已滅矣。汝亟歸于晉。當執臣節。無爲不義

溫屢請北征。浩輒抑而不許。茲乃以恢復爲已。任豈自信。將畧果優于溫。直以忌溫。妄冀僥倖成功。可以傾其權勢而已。忠于謀國者。固如是乎。

也。及卒，襄與秦兵戰敗，遂帥眾來歸。單騎見謝尚，尚聞其名，命去仗衛，幅巾見之，歡若平生。襄博學善談論，江東人士皆重之。

夏四月，燕慕容恪等擊魏，大破之，執其主閔以歸，殺之。

燕王儁遣慕容恪擊魏，魏主閔時在常山。閔克劉顯，因遊食常山，諸

郡燕兵及之，閔戰大敗，為燕兵所執。閔素有勇名，所將兵精銳，燕人憚之。

慕容恪曰：「閔勇而無謀，一夫敵耳，不足破也。」乃分其軍為三部，擇鮮卑善射者五千人，以鐵鎖連其馬，為方陣。

而前，閔乘千里馬，名曰朱龍，左操兩刃矛，右執鈎戟，以擊燕兵，斬首三百餘級，望見大幢，知其為中軍，直衝之。

燕兩軍從旁夾擊，大破之，圍閔數重。閔潰圍東走，朱龍忽斃，遂被執，送于龍城，斬之。遣慕容評攻鄴，閔將軍蔣幹及太子智，閉城拒守，遣使求救于謝尚。

魏建國三年而亡。

六月，謝尚得傳國璽，獻之。

初，謝尚使建武將軍戴施據枋頭，施聞蔣幹求救，乃帥

壯士百餘人入鄴。助守三臺。給幹得傳國璽。宣言使督護何融迎糧。陰令懷璽。送于枋頭。謝尚迎致建康。百僚

畢賀。

是秋慕容評克鄴。留鎮之。戴施奔倉垣。

謝尚攻張遇于許昌。秦人救之。尚等敗績。殷浩退屯壽春。

秋九月。浩復進屯泗口。

泗水之口。今徐州府境。黃河所經。本泗水故道。

謝尚、姚襄共攻張遇。秦苻雄等救之。尚等戰敗。奔還淮

南。殷浩自許昌還屯壽春。

秦徙張遇及陳、潁、許、洛之民五萬餘戶于關中。

已而

浩復謀再舉。

中江將軍王羲之遺浩書曰。今以區區江左。天下寒心。固已久矣。力爭武功。非所當

作。自頃處內外之任者。未有深謀遠慮。而疲竭根本。各從所志。竟無一功可論。遂令天下將有土崩之勢。今莫

若還保長江。督將各復舊鎮。自長江以外。羈縻而已。引咎責躬。更為善治。省其賦役。與民更始。庶可以救倒懸

之急也。若猶以前事為未工。復求之于分外。宇宙雖廣。自容何所。此愚智所不解也。浩不從。

遂進屯

泗口。

十月。謝尚攻克許昌。會朝廷徵尚為給事中。尚還成石頭。

罷遣太學生徒。

浩以軍興。罷遣太學生徒。學校由此遂廢。

冬十一月。燕王儁稱皇帝。

燕羣僚共上尊號。燕王儁許之。始置百官。即皇帝位。

先是。

慕容評克鄴。送冉閔后董氏及太子智。薊。儁許言董氏以傳國璽獻之。賜董號奉璽君。及是稱帝。因改元元璽。時晉使適至燕。儁謂曰。汝還白汝天子。我承人之為中國所推。已為帝矣。

癸丑九年秋七月。殷浩遣兵襲姚襄。不克。冬十月。遂率諸軍

北伐。襄邀敗之。浩走譙城。

姚襄屯歷陽。以燕秦方彊。未有北伐之志。乃夾淮廣興

屯田。訓厲將士。浩惡其彊盛。屢遣刺客刺之。客皆以情

告襄。浩潛遣將軍魏憬襲襄，斬憬，并其眾。浩愈惡之。

遷襄蠡臺。

在河南歸德府商邱縣。水經注：睢陽城內有臺，甚秀廣，謂之蠡臺。亦曰升臺。

表授

梁國內史。襄益疑懼。初，浩遣人誘秦梁安、雷弱兒，使殺

秦主健，許以關右之任。弱兒等僞許之。且請兵應接。會

張遇作亂。

遇入秦為司空。秦主健納其繼母，遇耻之。陰結關中豪傑，欲滅苻氏來降。事覺被誅。

浩

聞之，以為安等事成，遂自壽春帥眾北伐，欲進據洛陽。

修復園陵，以襄為前驅。襄引兵北行，度浩將至，僞遁而

陰伏甲以邀之。浩大敗，走保譙城。

浩將北伐，吏部尚書王彪之上會稽王昱

賤，以為秦人容有詐僞，未應輕進。及浩敗，昱謂彪之曰：君言無不中。張陳無以過也。姚襄收浩資仗，濟淮屯盱

眙，遣使建康。陳浩罪狀，并自陳謝。詔以謝尚督江西淮南軍，鎮歷陽。

十一月，西平公張重華卒。

諡敬烈。

子曜靈

字元舒。

嗣。十二月，涼

州廢其主曜靈立張祚字太伯重華庶兄

祚有勇力善事內外與重華嬖臣趙長等結異姓兄弟

及重華卒曜靈方十歲以世子嗣位長等乃廢之而立

祚祚尋自稱涼王于景改元置百官郊祀天地尚書馬

甲寅十年涼王張祚春正月殷浩以罪免為庶人徙信安後

漢新安縣晉改名今日西安為浙江衢州府治以王述為揚州刺史

浩師徒屢敗糧械都盡桓溫因朝野之怨上疏請廢之

朝廷不得已免浩為庶人徙信安自此內外大權一歸

于溫矣浩既廢黜雖愁怨不形辭色常書空作咄咄怪

事字久之溫謂掾郗超曰浩有德有言向使作

令僕足以議型百揆朝廷用違其才耳將以浩為尚書

數竟達空函溫大怒出是遂絕卒于徙所

浩與溫齟齬日久官牛勢竟視顏受其位置卒致空函收怒由其平日外盜虛聲內貪榮利是以一經挫折裏裏露可鄙可笑足為偽士之戒

二月桓溫帥師伐秦夏四月大敗秦兵于藍田注見前進軍

灞上三輔皆降

溫統步騎四萬發江陵水軍自襄陽入均口在襄陽府光化縣西

北水經注均水南至南鄉漢縣唐省故城在淅川縣步兵自淅

川即故析縣注見前趣武關命司馬勲出子午道以伐

秦秦主健遣太子萇等帥眾五萬拒溫戰于藍田秦兵

大敗溫轉戰而前進至灞上萇等退屯城南健與老弱六千固守長安小城三

輔郡縣皆來降溫撫諭居民使安堵復業民爭持牛酒

迎勞男女夾路觀之耆老有垂泣者曰不圖今日復覩

官軍北海王猛少好學倜儻有大志隱居華陰聞溫入關被褐詣之捫虱而談當世之務旁若無人溫異

之問曰吾奉命除殘而三秦豪傑未有至者何也猛曰公不遠千里深入敵境今長安咫尺而不渡灞水百姓

猛素遇苻堅已能辭溫不
就非當時處士盜虛聲者
比也

未知公之心。所以不至。溫嘿然。徐曰。江東無卿此
也。乃署猛軍諮祭酒。王猛字景畧北海劇人。
姚襄叛降于燕。

五月。桓溫與秦兵戰。不利。六月。師還。

溫與秦丞相雄等戰于白鹿原。卽灞上。注見前。溫兵不利。死者

萬餘人。初。溫指秦麥以爲糧。旣而秦人悉芟麥。清野以

待之。溫軍乏食。徙關中三千餘戶而歸。溫欲與王猛俱還。猛還山諮師

師曰。君與桓溫。豈並世哉。乃辭不就。

秦東海王苻雄卒。

雄位兼將相。權侔人主。而謙恭汎愛。遵奉法度。故秦主

健重之。及是卒。子堅字永固襲爵。堅性至孝。博學多能。交

結英豪。呂婆樓畧陽氏人。彊汪。梁平老畧陽人。皆與之善。胡三省曰。

苻堅事
始此。

乙卯

十一年

秦主苻生壽光元年京王張元靚太始元年

春二月秦大蝗。

百草無遺牛馬相噉毛。

夏六月秦主健卒太子生

字長生健第三子立。

先是秦太子苻桓溫中流矢死秦主健乃立子生為

太子。

生幼少一目性麤暴其祖洪嘗戲之曰吾聞瞎兒

洪大驚鞭之生曰性耐刀槊不堪鞭撻洪謂健曰此兒狂悖宜早除之不然必破人家健將殺之健弟雄曰兒長自當改何可遽爾及長力舉千鈞走及奔馬擊刺騎射冠絕一時健以識文有三羊五眼遂立之至是

健寢疾引魚遵雷弱兒毛貴王墮梁楞梁安段純等受

遺詔輔政謂生曰六夷酋帥及大臣執權者若不從汝

命宜漸除之遂卒生即位。

生欲改元羣臣奏曰未踰年而改元非禮也生怒窮推議

主得僕射段純殺之。中書監胡文言有星孛于大角。熒惑入東井。不出三年。國有大喪。大臣戮死。順修德以禳之。生曰。皇后與朕對臨天下。可以應大喪矣。毛太傅。梁車騎。梁僕射。受遺詔輔政。可以應大臣矣。乃殺皇后及毛貴。梁楞。梁安。已又殺丞相雷弱兒。司空王璠。并殺弱兒九子。二十七孫。生雖諒陰。遊飲自若。彎弓露刃。以見朝臣。鍾鉗鋸鑿。備置左右。卽位未幾。后妃公卿。下至僕隸。凡殺五百餘人。

秋。閏九月。涼州弑其君祚。立張元靚。

字元安。

爲涼王。

涼王祚淫虐。上下怨憤。河州刺史張瓘。將軍宋混。舉兵攻祚。弑之。及趙長等。瓘先欲復立曜靈。會曜靈已爲祚所殺。乃推其弟元靚爲涼王。

時方七歲。

丙辰

十二年。春三月。以桓溫爲征討大都督。督諸軍討姚襄。

先是。姚襄所部多勸北還。襄遂進據許昌。至是。桓溫請移都洛陽。修復園陵。章十餘上。不許。詔溫討襄。

夏四月。秦太后彊氏以憂卒。

長安大風。發屋拔木。秦宮中驚擾。或稱賊至。宮門晝閉。

五日乃止。秦主生推告賊者。剗出其心。彊太后弟平諫。

生怒。鑿其頂而殺之。太后以憂恨卒。已而生下詔曰。朕

有何不善。而謗讟之音。扇滿天下。殺不過千。而謂之殘虐。行者比肩。未足為希。方當峻刑極罰。復如朕何。時潼

關以西至長安。自去春以來。虎狼為暴。不食六畜。專務食人。羣臣請禳之。生曰。野獸饑則食人。飢當自止。何禳

之有。且天豈不愛民哉。正以犯罪者多。故助朕殺之耳。

秋八月。桓溫敗姚襄于伊水。注見前。遂入洛陽。修謁諸陵。置

戍而還。襄北走。據襄陵。漢縣。今屬山西平陽府。

桓溫自江陵北伐。與僚屬登平乘樓。大船之樓。望中原。歎曰。

遂使神州陸沉。百年邱墟。王夷甫諸人。不得不任其責。

神州陸沉王衍諸人實下
得辭其責袁宏乃諉為運
有廢興豈桓溫以大牛譏
之

記室袁宏曰。運有廢興。豈必諸人之過。溫作色曰。昔劉
景升有千斤大牛。噉芻豆十倍于常牛。負重致遠。曾不
若一羸特。魏武入荊州。殺以享軍。袁宏字彥伯。陳郡
陽夏人。胡三省曰。溫以牛况宏。徒糜廩祿而無用也。

先是姚襄圍周成于洛陽。

成本魏將薛復叛。據洛陽。

晉踰月不克。及

是溫軍至伊水。襄撤圍拒之。匿其精銳。遣使謂溫曰。襄

今奉身歸命。願敕三軍小却。當拜伏路左。溫曰。我自開

復中原。無豫君事。欲來便前。何煩使人。襄拒水而戰。大

敗。奔北山。

即北邙山。

溫追之不及。周成帥眾出降。溫屯金墉。

謁諸陵。修毀壞。各置陵令。表謝尚鎮洛陽。令潁川太守

毛穆之。

字憲祖。寶之子。

等戍之。襄奔平陽。其故將尹赤。

為秦并州刺史。

以眾降之。襄遂據襄陵。

冬十月癸巳朔日食。

十一月燕慕容恪攻廣固克之段龕降燕

初龕與燕主儁書抗中表之儀

儁段氏出

非其稱帝儁怒遣

慕容恪擊之龕弟熙驍勇有智謀請先帥精銳拒之于

河龕不從熙固請不已龕怒遂殺之

事在十一年

已而恪引

兵濟河龕拒戰恪大破其軍進圍廣固為高墻深塹以

守之龕樵采路絕城中人相食乃面縛出降恪撫安新

民悉定齊地

龕尋為儁所殺

遣司空車灌如洛陽修五陵

宣景文武惠五帝陵

詔遣灌等持節之洛陽修五陵帝及羣臣皆總服臨于

太極殿三日

丁巳升平元年

秦主苻堅永興元年燕光壽元年

春正月朔帝冠太后歸政

徙居崇德宮。

二月太白入東井。

秦有司奏太白罰星。東井秦分。當有暴兵起京師。秦主生曰。太白入井。自爲去聲。渴耳。何足怪乎。

夏四月。姚襄據黃落。

卽今黃堡鎮。在西安府同官縣南。長安志。秦苻黃眉討姚襄于此。秦

遣兵擊斬之。弟萇。

字景茂。弋仲第二十四子。

以衆降秦。

襄將圖關中。進屯杏城。

在鄜州中。部縣西南。

羌胡及秦民歸之者。

五萬餘戶。遂據黃落。秦遣廣平王黃眉。東海王堅。將軍

鄧羌禦之。羌以騎三千。壓襄壘門而陳。襄怒。出戰。羌陽

敗走。襄追至三原。

宋白曰。苻秦于截辟山。置三原護軍。截辟山。亦曰嵯峨山。在今西安府三

原縣西北。羌迴騎擊之。黃眉等以大衆繼至。襄兵大敗。擒而

斬之弟萇帥其眾降秦以公禮葬襄

六月秦苻堅弑其君生自立為天王

秦主生殘虐滋甚生夢大魚食蒲又長安謠曰東海大

太師魚遵及其子孫又自以眇目諱言殘缺偏隻少無

不其之類誤犯而死者不可勝數或剝人面皮使之歌

舞以為樂羣臣得保一日如度十年東海王堅素有時譽與故姚襄參軍

薛讚太原權翼人善讚翼密說堅宜早為計勿使他

姓得之堅以問尚書呂婆樓婆樓曰僕刀環上人耳不

足以辦大事里舍有王猛者謀畧不世出宜請而咨之

堅因婆樓以招猛一見如舊友語及時事堅大悅自謂

元德之遇孔明也太史令康權言于生曰昨夜三月並

出孛星入太微連東井自去月上旬

先是特進梁平老勸

沉陰不雨以至于今將有下人謀

上之禍生怒以為妖言撲殺之

堅及早舉事。堅未敢發。及是。生夜對侍婢言曰。阿法兄弟亦不可信。明當除之。婢以告堅。及堅兄清河王法。法與梁平老帥壯士潛入雲龍門。堅與呂婆樓帥麾下繼進。宿衛將士皆舍仗歸堅。生猶醉寢。堅兵殺之。堅以位讓法。法曰。汝適嗣且賢。宜立。堅乃去帝號。稱大秦天王。大赦改元。立子宏為太子。法為丞相。弟融字博休為陽平公。子不字承叔為長樂公。李威荀太后姑子為左僕射。融明辨聞則誦目。過不忘。力敵百夫。堅愛重之。不亦有文武才幹。治民斷獄。皆亞于融。威知王猛賢。勸堅以國事任之。堅謂猛曰。李公知君。猶鮑叔牙之于管仲也。猛以兄事之。法尋為荀太后所忌。后乃與李威謀。賜法死。堅慟哭。嘔血。封其子陽為東海公。數為清河公。

秋八月立皇后何氏。

散騎常侍準之女。準字幼道。潯人。

冬十一月燕徙都鄴。

燕主僂自薊徙都于鄴。復作銅雀臺。

燕上嘗夢石虎齧其臂。乃發虎墓求

屍不獲。購以百金。得于東明觀下。僵而不腐。僂數其殘暴之罪而鞭之。投諸漳水。

東明觀在故鄴城南。

秦以王猛為尚書左丞。

秦王堅行至尚書。以文案不治。免左丞陳卓官。以王猛代之。舉異才。修廢職。課農桑。恤困窮。禮百神。立學校。旌節義。繼絕世。秦民大悅。

戊午二年秋八月。以謝萬監司豫等州軍事。

會稽王昱欲以桓溫弟雲。

字子初。

為豫州刺史。僕射王彪

之曰。溫居上流。已割天下之半。其弟復處西藩。兵權萃

于一門。非深根固蒂之道也。昱乃更以謝萬代之。

王羲之與

溫賤曰謝萬才流經通使主廊廟固是後來之秀今以撫順荒餘則違才易務矣又遺萬書曰以君邁往不屑之韻而俯同羣辟誠難為意然所謂通識當隨事行藏耳願君與士卒之下者同甘苦則盡善矣萬不能用
秦大旱

秦王堅減膳徹樂命后妃以下悉去羅紈開山澤之利
息兵養民旱不為災

冬荀羨伐燕不克而還以郝曇字重熙督徐兗軍事

燕泰山太守賈堅屯山荏漢荏縣晉曰山荏隋省故城在今濟南府長清縣荀

羨引兵擊之擒堅遂拔山荏羨謂堅曰君祖父世為晉臣奈何背本不降堅曰晉
自棄中華非吾叛也民既無主彊則托命既已事人安可改節遂憤惋而卒已而慕容塵遣

司馬悅明救泰山羨兵大敗燕復取山荏會羨疾篤徵
還以郝曇督徐兗軍鎮下邳

燕使慕容垂守遼東

燕吳王垂本名霸。燕王儁素惡之。因為更名。

初燕王號奇霸之才。

故名曰霸。將以為世子。羣臣諫而止。然寵遇猶踰于世子。由是儁惡之。以其嘗墮馬折齒。更名曰軼。尋以其應識文。更名曰垂。徙鎮龍城。大得東北之和。儁愈惡之。遂召還。垂娶段氏。段末才高性

烈。自以貴姓。不尊事儁。后可足渾

代北三字姓。

氏。后銜之中

常侍涅浩

涅姓。浩名。

希旨告段氏為巫蠱。欲以連污垂。收下

廷尉考驗。終無撓辭。故垂得免禍。而段氏竟死獄中。出

垂為平州刺史。鎮遼東。

已未三年秋。泰山太守諸葛攸伐燕。敗績。冬十月。謝萬。郗曇

復伐之。曇病引還。萬眾潰。免為庶人。

攸將水陸二萬擊燕。入白石門。

山名。在兗州府曲阜縣西北。

屯于河

荒誕如謝萬豈堪元戎之
任安尚稱明達者乃欲以
世俗周旋思濟其失亦可
鄙笑

渚。汶河之渚。荀美傳。美引汶通渠。至于東阿。燕上庸王評帥步騎五萬與戰

東阿。注見前。攸大敗。十月。詔萬軍下蔡。注見前。曇軍高平。晉侯

國。後為縣。北齊廢。故城在今兗州府鄒縣。以擊燕。萬矜豪傲物。但以嘯詠自為元帥。宜數接對諸將。以悅其心。豈有傲誕如此而能

濟事也。萬乃召集諸將。一無所言。直以如意指四座云。諸將皆勁卒。諸將益恨之。安慮萬不免。萬帥眾入渦。潁

乃自隊帥以下。無不親造。厚相親託。萬帥眾入渦。潁

以援洛陽。郗曇以病退屯彭城。萬以為燕兵大盛。故曇

退。即引兵還。眾遂驚潰。萬狼狽單歸。諸將欲圖之。以安故而止。詔廢萬為

庶人。降曇號建武將軍。于是許昌。潁川。譙。沛。諸城皆沒

于燕。

十二月。秦以王猛兼司隸校尉。

先是。堅以鄧羌為御史中丞。又以猛領京兆尹。彊太后弟德。醕

有毀輒罪之雖因深知其
賢然猶眾口而任一人適
足自蔽聰明非正道也

酒豪橫掠人財貨子女猛下車收德奏未及報已陳屍于市堅馳使赦之不及猛與羌同志疾惡糾案無所顧忌數旬之間權豪貴戚殺戮刑免者二十餘人朝廷震栗姦猾屏氣路不拾遺堅嘆曰吾今始知天下之有法也既而以猛為吏部尚書尋遷太子詹事左僕射至是以猛為輔國將軍司隸校尉居中宿衛餘官如故猛歲中五遷權傾內外人有毀之者堅輒罪之于是羣臣不敢復言

庚申

四年

燕慕容暉建熙元年

春正月燕主儁卒太子暉

字景茂

立

初燕主儁寢疾謂太原王恪曰今二方未平景茂冲幼社稷屬汝何如恪曰太子雖幼臣何敢干正統儁怒曰兄弟之間豈虛飾邪恪曰陛下若以臣能荷天下之任

者豈不能輔少主乎。雋喜曰。汝能為周公。吾復何憂。李

績

字伯陽。清方忠亮。汝善遇之。

召吳王垂還鄴。至是疾

篤。召恪及司空陽騫。司徒評。將軍慕輿根。受遺詔輔政。

乃卒。太子曄即位。慕輿根自恃勲舊。心不服恪。欲為亂。

已又思戀舊土。謀欲還東。恪乃密奏根罪狀。誅之。

時新遭大

喪。誅夷狼籍。內外恟懼。恪舉止如常。人不見其有憂色。

每出入。一人步從。或說以宜自嚴備。恪曰。人情方懼。當

安重以鎮之。奈何復自驚擾。恪雖綜大任。而朝廷之禮

兢兢嚴重。每事必與司徒評議之。虛心待士。諮詢善道。

量才授任。人不踰位。朝臣或有過失。不顯其狀。隨宜他

敘。時人以為大愧。莫敢犯者。或有小過。自相責曰。爾復

欲望宰公遷官邪。朝廷初聞。僞卒皆以為中原可圖。桓溫曰。慕容恪尚在。憂方大耳。

秋八月辛丑朔日食既。

桓溫以謝安為征西司馬。

安少有重名。前後徵辟皆不就。寓居會稽。以山水文籍自娛。雖爲布衣。時人皆以公輔期之。士大夫至相謂曰。安石不出。當如蒼生何。安弟萬廢黜。始有仕進之志。時年已四十餘。桓溫請爲司馬。安乃赴召。溫深禮重之。

辛酉

五年夏五月。帝崩。琅邪王丕

成帝長子。卽位。是爲哀帝。

帝崩。無嗣。皇太后令曰。琅邪王丕。中興正統。義望情地。莫與爲比。其以王奉大統。于是百官備法駕。迎入卽位。

秋七月。葬永平陵。

在江寧府上元縣。

九月。立皇后王氏。

濛之女。

尊何皇后爲穆皇后。

涼張邕殺宋澄。冬十月。張天錫

字純嘏。駿少子。

誅之。詔以張元靚

為涼州刺史西平公。

先是涼宋混誅張瓘。

混素忠鯁。瓘欲殺之。因廢張元靚而自立。混以太后令誅之。

請

張元靚去王號。復稱涼州牧。既而混卒。元靚以混弟澄為領軍將軍輔政。右司馬張邕惡之。至是邕攻殺澄。自為中護軍。驕縱專權。多所刑殺。元靚叔父天錫殺之。盡滅其族。元靚以天錫為大將軍輔政。始奉升平年號。故有是命。

秦滅張平。

平故趙并州刺史。趙亡降秦。又降燕。復請降于建康。欲中立以自固。既而秦王堅擊之。擒其養子張蚝。本姓弓。多力。趨捷。能曳牛却走。超越高城。堅募上黨人。人生致之。鄧羌擒之以獻。蚝七吏反。平眾大潰。乃降。

秦王以蚝爲虎賁中郎將。常置左右。稱羌蚝皆萬人敵。未幾燕擊平。平復降燕。尋又叛燕。至是。秦攻之。謝罪于燕。以求救。燕人惡其反覆。弗救也。遂爲秦所滅。

秦舉四科。

秦王堅命牧伯守宰。各舉孝悌廉直文學政事。察其所舉。得者賞之。非其人者罪之。由是人莫敢妄舉。請託不行。士皆自勵。雖宗室外戚。無才能者。皆棄不用。官皆稱職。田疇修闢。倉庫充實。賊盜屏息。

哀皇帝

壬戌。隆和元年。春正月。減田租。畝收二升。

二月。以庾希字始彥。水之子。爲徐兗刺史。袁真監豫司等州軍事。

希鎮下邳。真鎮汝南。

燕呂護攻洛陽。桓溫遣兵救之。秋七月。燕師引還。

先是。護遣使來降。拜冀州刺史。燕討之。復奔還燕。事在升平

五年。至是。護攻洛陽。守將陳祐告急。桓溫遣庾希。竟陵太

守鄧遐。字應遠。嶽之子。帥師助守。因上疏請遷都洛陽。朝廷畏

溫。不敢為異。著作郎孫綽。字興公。楚之孫。上疏爭之。疏曰。自喪亂以來。六

十餘年。士民播流江表。已經數世。存者老子。長孫亡者

邱壠成行。雖北風之思。感其素心。目前之哀。實為交切。

溫今此舉。誠為遠圖。而百姓震駭。豈不以反舊之樂。賒

趨死之憂。促哉。臣愚以為宜遣將帥。有威名資實者。先

鎮洛陽。掃平梁許。清壹河南。豺狼遠竄。中夏小康。然後可徐議遷徙耳。溫見綽表不悅。曰。

致意興公。何不尋君遂初賦。綽少慕高尚。嘗著遂初賦。以見志。而知人

家國事邪。時朝廷憂懼。將遣侍中止溫。王述曰。溫欲以

虛聲威朝廷耳。但從之。自無所至。詔從其計。溫果不行。
溫又議移洛陽鐘虡。述曰。永嘉不競。暫都江左。方當蕩
平區宇。旋軫舊京。若其不爾。宜改遷園陵。不應先事鐘
虡。溫乃止。七月。護退希等亦還。明年燕畧地河南。陷許昌。汝南陳郡及河南諸
城遂逼洛陽。

秦王堅臨太學。

秦王堅親臨太學。考第諸生經義。與博士講論。自是每
月一至。

冬十二月戊午朔日食。

興寧元年夏五月。加桓溫大司馬都督中外諸軍。錄尚
書事。

溫以王坦之字文度為長史。又以郗超為參軍。王珣字

琳導琳導為主簿。每事必與二人謀之。府中為之語曰：「琳導

能令公怒，溫氣繁高邁，平有所推與，超言常自謂不能之，傾身待之，超亦深自結納，與謝元皆為溫掾。溫但重

公，皆未易才也。謝元字幼度，安兄奕之子。

秋八月，有星孛于角亢。

涼張天錫弑其君元靚而自立。

天錫弑元靚，自稱涼州牧、西平公，遣司馬奉章詣建康

請命。

甲子二年涼西平公張天錫元年春三月，大開戶口，令所在土斷。

令西北士民僑寓東南者，所在以土著為斷，嚴其法禁。

稱為庚戌制，以是日庚戌日行之，故稱。

子請父讓父謂定不及是
何世道人心吁可詫哉

帝寢疾皇太后臨朝攝政。

帝信方士言斷穀餌藥以求長生侍中高崧諫不聽尋
以藥發不能親萬幾太后攝政。

夏五月以王述爲尚書令。

述每受職不爲虛讓其所辭必于不受父爲尚書令子
坦之白述故事常讓述曰汝謂我不堪邪曰非也但克
讓自美事耳述曰既謂堪之何爲復讓人言汝勝我定
不及也。

如桓溫揚州牧

時召溫入參朝政辭不至秋七月詔復徵溫溫至赭圻

嶺名在太平府繁昌縣西詔止之溫遂城赭圻居之遙領揚

州牧

丑三年

秦建元元年

春正月皇后王氏崩

諡曰靖

桓溫移鎮姑孰以弟豁

朗之子

監荆揚等州軍事

三月帝崩琅邪王奕

帝之弟

即位

是為廢帝

帝崩無嗣皇太后詔以奕承大統

燕陷洛陽將軍沈勁

字世堅充之子死之

初沈充之子勁以其父死于逆亂志欲立功以雪耻年

三十餘以刑家不得仕及燕人逼洛陽陳祐守之勁自

表求配祐効力詔以為長史令自募兵得千人以行至

洛陽屢破燕軍祐自度不能守乃以救許昌為名留勁

以五百人守之勁喜曰吾志欲致命今得之矣至是燕

太宰恪吳王垂共攻克洛陽執勁勁神氣自若恪將宥之將軍慕輿虔曰勁雖奇士觀其志度終不爲用遂殺之朝廷嘉勁之忠贈東陽太守

司馬氏光曰沈勁耻父之惡致死以滌之變凶逆之族爲忠義之門可謂能爲子矣

葬安平陵

在江寧府上元縣

夏六月益州刺史周撫卒

撫在益州三十餘年甚有威惠詔以其子楚

字元代之

梁州刺史司馬勲久有據蜀之志憚撫不敢發及撫卒遂舉兵反自稱成都王引兵入劍閣圍成都桓溫遣江

夏相朱序會楚討斬之

朱序字次倫義陽人

秋七月立皇后庾氏

冰之女

帝奕

丙寅太和元年夏五月皇后庾氏崩。

秋七月葬孝皇后。

冬十月以會稽王昱爲丞相錄尚書事加殊禮。

八朝不趨贊拜不名劍履上殿。

丁卯二年春二月燕太宰慕容恪卒。

恪疾病燕主暉親視之問以後事恪曰吳王垂文武兼資管蕭之亞若任以政國家可安不然秦晉必有覬覦之計言終而卒。

秋九月以郗愔都督徐兗等州軍事。

冬代王什翼犍擊匈奴劉衛辰。

鐵弗劉虎之曾孫。

走之。

先是衛辰降秦入居塞內已叛秦降代未幾又叛代至。

是什翼犍擊之。河水未合。命以葺絙約流漸。俄而冰合。然猶未堅。乃散葦于其上。冰草相結。有如浮梁。兵乘以渡。衛辰不意兵猝至。遂西走。什翼犍收其部落什六七而還。衛辰奔秦。秦送還朔方。遣兵戍之。

戊辰三年春三月丁巳朔日食。
冬十二月加桓溫殊禮。

位在諸侯王上。

巳巳四年夏四月桓溫帥師伐燕。秦人救之。秋九月溫又燕人戰于枋頭。不利而還。袁真以壽春叛。降于燕。

溫帥步騎五萬發姑孰。自兗州伐燕。六月至金鄉。後漢縣。今

屬兗州府。天旱水絕。使將軍毛虎生穆之小字。名犯于靖后謹故行字。字又同桓溫

母名更注見稱小字鑿鉅野注見三百里引汶注見會于清即今大清河古

濟水也。自泰安府東平州南東北流至武定府利津縣入于海。通典東平濟南北海界中有水流入海謂之清

河。即溫引舟師自清水入河。舳舻數百里。清水入河難

此。通運。若定戰運道必北。資復無所得。此危

也。不若舉策趨都。彼必望風逃。北歸還碣。若能山

戰。則事可立決。若恐勝負難必。務持重。則莫若頓兵

濟。控引漕運。俟資儲充。而後進。捨此二策。而連

軍北上。進不速決。退必愈乏。賊因此勢。以日月相引。漸

及秋冬。水更澁滯。北方早寒。三軍表襪。少而

憂。非獨無食。燕主噉使下邳王厲逆戰。敗還。前鋒鄧還

而已。溫不從。燕主噉使下邳王厲逆戰。敗還。前鋒鄧還

朱序亦敗燕兵。七月。溫至枋頭。噉及太傅評大懼。謀奔

和龍。吳王垂曰。臣請擊之。若其不捷。走未晚也。噉乃使

垂率眾五萬以拒溫。又遣樂嵩請救于秦。許賂虎牢以

西之地。秦羣臣議曰。昔桓溫伐我。燕不我救。今溫伐燕。我何救焉。王猛曰。燕雖疆大。慕容許非溫敵也。

若溫舉山東進屯洛邑。收幽冀之兵。引兗豫之衆。觀兵
峭澗。則陣下大事去矣。不如與燕合并以退溫。溫退燕
亦病矣。然後我承其敝而取之。不亦善乎。堅從之。
八月。秦王堅遣苟池鄧羌率

步騎二萬以救燕。初。溫使袁真攻譙梁。開石門以通水
逆。不克。九月。燕范陽王德字元明。號少子。帥騎屯石門。李邦帥

兵斷溫糧道。德使慕容宙帥騎一千為前鋒。與晉兵遇。

宙使二百騎挑戰。分餘騎為三伏。挑戰者兵未交而走。

晉兵追之。宙帥伏擊之。晉兵死者甚衆。溫戰數不利。糧

儲復竭。又聞秦兵將至。焚舟棄輜重鎧仗。自陸道奔還。

自東燕晉郡。即春秋南燕。注見前。出倉垣鑿井而飲。胡三省注。恐燕追兵毒汴濟上。

也。行七百餘里。燕將爭欲追之。吳王垂曰。溫初退。必嚴

設警備。簡精銳為後拒。不如緩之。彼幸吾未至。晝夜疾

趨俟其氣衰擊之無不克矣。乃帥八千騎行躡其後。溫果兼道而進。數日。溫曰可矣。乃急追之。及于襄邑。注見前德先帥勁騎伏于東澗中。與垂夾擊溫。大破之。斬首三萬級。秦苟池邀擊溫于譙。又破之。溫收散卒屯于山陽。深耻喪敗。乃歸罪袁真。奏免爲庶人。真不服。表溫罪狀。朝廷不報。遂據壽春叛。降燕。

冬十一月。燕慕容垂出奔秦。秦以爲冠軍將軍。

燕吳王垂自襄邑還鄴。威名益振。太傅評愈忌之。垂奏將士功賞。皆抑而不行。太后可足。渾氏素惡垂。與評謀誅之。太宰恪之子楷知之。以告。且曰。先發制人。但除評。及樂安王臧。餘無能爲矣。垂曰。骨肉相殘。吾不忍爲也。

寧避之于外耳。十一月，請收于大陸。注見前。因徵服將趨

龍城，至邯鄲。少子麟素不為垂所愛，逃還告狀。燕主噤

遣精騎追之，垂散騎滅跡得免。世子令請給數騎襲鄴。

垂曰：「不可。」乃與段夫人前如段氏之女弟及令楷并諸子俱奔

秦。初，秦王堅聞恪卒，陰有圖燕之志。憚垂不敢發，及聞

垂至，大喜。郊迎執手曰：天生賢傑，必相與共成大功。此

然後還卿本邦，世封幽州，使卿去國不失為子之孝，歸朕不失事君之忠，不亦美乎。王猛曰：垂父

子譬如龍虎，非可馴之物。若借以風雲，將不可復制。不

如早除之。堅曰：吾方收攬英雄，以清四海，奈何殺之。且

其始來，吾已推誠納之矣。匹夫猶不棄言，況萬乘乎。乃

以垂為冠軍將軍。時燕遣梁琛使秦，及歸言于秦曰：秦

有堅是時方有志并吞，以垂材智過人，窮蹙來歸，待以不次，亦不失駕馭羣雄之譽。厥後垂與堅敗，特所以善其後者，無策耳。曹操不殺先主，後世未聞議其失計。至堅不殺垂，乃以不忍讎之，則所云以成敗

吳王又往。宜爲之備。評曰。秦主何如人。琛曰。明而善斷。問王猛曰。名不虛得。旣又以告燕主暉。皆不然之。惟皇甫真深以爲憂。上疏請選將益兵。以防未然。不聽。

秦遣王猛等伐燕。十二月。取洛陽。

初。燕人許割虎牢以西賂秦。晉兵旣退。燕人謂曰。行人失辭。有國有家者。分灾救難。理之常也。秦王堅大怒。遣猛及將軍梁成。鄧羌。帥步騎三萬伐之。攻洛陽。洛陽降。桓溫徙鎮廣陵。

溫發徐兗州民築廣陵城。徙鎮之。時征役旣頻。加之疫癘。死者什四五百。百姓嗟怨。秘書監孫盛

字安國。太原中都人。

作晉

春秋直書時事。溫見之怒。謂盛子曰。枋頭誠爲失利。何至乃如尊君所言。若此史遂行。自是關君門戶事。其子

遽拜謝。請改之。時盛年老居家。性方嚴有軌度。子孫雖班白。待之愈峻。至是。諸子號泣稽顙。請為百口計。盛大怒。不許。諸子遂私改之。盛先已寫別本。傳之外國。及孝武帝購求異書。得之于遼東人。

與見本不同。遂兩存之。

庚午五年。

是歲燕亡。大國一。秦。小國二。京代。凡三僭國。

春正月。慕容令自秦奔燕。

猛設計給令陷垂。非正道也。堅持之如舊。不失大度。然豈不知猛之設計邪。抑知而故委曲了事邪。

王猛之發長安也。請慕容令參其軍事。以為鄉導。既至洛陽。猛賂垂所親。使詐為垂使者。謂令曰。吾父子來此。以逃死也。今王猛疾人如讐。秦王心亦難知。聞東朝比來悔悟。吾今還東。汝可速發。令疑之。躊躇終日。又不可審覆。乃奔燕軍。猛表令叛狀。垂懼而出走。為追騎所獲。秦王堅持之如舊。堅謂垂曰。卿家國失和。委身投朕。貴子心不忘本。亦各行其志。然燕之將

亡。非令所能存。惜其徒入虎口耳。且父子兄。燕人以令弟。罪不相及。卿何為過懼。而狼狽如是乎。燕人以令叛而復還。疑為反間。徙之沙城。令自度終不能免。帥沙城戍卒數千人襲龍城。不克。為其所殺。
沙城。存龍城東北。

夏六月。秦王猛督諸軍復伐燕。

猛督將軍楊安等十將步騎六萬以伐燕。燕主暉命太

傅評將中外精兵三十萬拒之。評畏猛不敢進。猛克壺

關。所過郡縣皆望風降附。燕人大震。司徒長史庾翼嘆曰。鄴必亡矣。然越得歲而吳伐之。卒受其禍。今福德

在燕。秦雖得志。燕之復建。不過一紀耳。入晉陽。楊安攻晉陽。久未下。猛引兵助攻。為地道。使將軍張

蚝帥壯士數百潛入城中。大呼斬關。納秦兵。及慕容評戰于潞川。水經注。濁漳水。經注。潞

縣北。關駟曰。潞為冀州浸。即濁漳也。潞敗之。評屯潞縣故城。在今潞安府潞城縣濁漳注見前。猛進

兵與相持。評為人貪鄙。障固山泉。鬻樵及水。積錢帛如邱陵。士卒怨憤。莫有鬪志。猛聞之。笑曰。慕容評真奴才。

雖億兆之衆不足畏。况數十萬乎。燕主噲讓評。且趣使戰。評大懼。請戰于猛。俄而交兵。秦將鄧羌、張蚝等馳赴燕陳。出入數四。旁若無人。遂長驅圍鄴。猛號令嚴明。軍燕兵大敗。評單騎走還。寬、燕民各安其業。更相謂曰。不圖今日復見太原王。猛聞之。嘆曰。慕容元恭可謂古之遺愛矣。設太牢以祭之。

秋七月癸酉朔日食。

冬十一月秦王堅入鄴。執燕主噲。以王猛爲冀州牧都督關東六州軍事。

秦兵圍鄴。秦王堅詔猛曰。朕今親帥六師。星言電赴。將軍其休養士卒。以俟朕至。然後取之。于是堅留李威輔太子。自率精銳十萬赴鄴。燕主噲與慕容評等奔龍城。堅使將軍郭慶追之。及于高陽。執噲以詣堅。堅釋之。令還宮。帥文武出降。

評奔高句麗。高句麗執送于秦。前燕自慕容廆據大棘。至僞僭號。及噲。

亡。凡四主。合堅以猛為使持節都督關東六州諸軍事。

冀州牧鎮鄴。守令有闕。令以便宜補授將士。封賞各有

差。州縣守長皆因其舊。以燕申紹韋儒俱為繡衣使者。

循行關東。觀省風俗。勸課農桑。賑恤窮困。收葬死亡。旌

顯節行。燕政有不便于民者。皆變除之。遷暉及鮮卑四

萬戶于長安。封暉為新興侯。以評為給事中。皇甫真為奉車都尉。燕故太史黃泓嘆曰。燕必中興。

其在吳王乎。恨吾老不及見耳。

辛未六年。簡文帝咸安元年。春正月。桓溫拔壽春。獲袁瑾。誅之。

先是袁真死。子瑾代領其眾。燕秦皆以兵助瑾。桓溫擊

破之。遂圍壽春。至是燕已亡。瑾求救于秦。秦遣將軍王

鑒。張蚝。帥步騎二萬救之。溫遣桓伊。字叔夏。宣族子。等大破鑒。

蚝于石橋。

在肥水北。

遂拔壽春，擒瑾，送建康，斬之。

代世子寔卒。

後魏追諡獻明帝。

初，代將長孫

拓拔鬱律，長子沙莫雄之後，為長孫氏。

斤謀弑代王什翼犍。

寔格之，傷脇，至是卒。寔娶東部大人賀野干

賀蘭部酋長，魏書官。

氏志：北方賀蘭後改為賀氏。

之女，有遺腹子，什翼犍名之曰涉圭。

即魏

太祖道武皇帝，後名珪。

秦伐仇池，克之，執楊纂以歸。

初，朝廷以楊世

楊初曾孫。

為秦州刺史，世亦稱臣于秦。世卒。

子纂立，始與秦絕。至是，秦將楊安等伐纂，克之，遂執以

歸。秦王堅命安留鎮仇池。

冬十一月，桓溫入朝，廢帝為東海王，迎會稽王昱入即位。

是為簡文帝。

溫恃其才畧。陰蓄不臣之志。嘗撫枕嘆曰。男子不能流芳百世。亦當遺臭萬年。溫欲先立功河朔。以收時望。還受九錫。及枋頭之敗。威名頓挫。既克壽春。謂郗超曰。足以雪枋頭之恥乎。超曰。未也。久之。超就溫宿。中夜謂曰。明公不為伊霍之舉。無以立大威權。鎮壓四海。溫遂與定議。以帝素無過。而床第易誣。乃揚言帝早有痿疾。嬖人朱靈寶等。參侍內寢。三美人生三男。將移皇基。人莫能審其虛實。乃詰建康。諷褚太后。請廢帝。而立曾稽王昱。并作令草。呈之太后。集百官于朝堂。宣皇太后令。廢帝為東海王。迎昱即帝位。帝既即位。溫有足疾。詔乘輿入殿。溫撰辭。欲陳述廢立本意。帝引見。便泣下數十行。溫兢懼。竟不能一言而出。溫威勢翕赫。侍中謝安見溫遙

君拜臣揖復成何語觀此則新亭談笑如出二人記戰牴牾殊不可解

拜。溫驚曰。安石。卿何事乃爾。安曰。未有君拜于前。臣揖

于後。溫遂還姑孰。秦王堅聞溫廢立。謂羣臣曰。溫前敗

百姓。方更廢君以立威。六十之叟。舉動如此。將何以容于四海乎。諺曰。怒其室而作色于父。溫之謂矣。

十二月。降封東海王爲海西縣公。

桓溫奏。廢放之人。不可以臨黎元。東海王宜依昌邑故

事。太后詔封海西縣公。尋遷于吳縣。溫威震內外。帝雖

處尊位。拱默而已。帝美風儀。善容止。留心典籍。疑座滿

累。謝安以爲惠帝之流。但清談差勝耳。

太宗簡文皇帝

壬申咸安二年。春三月。秦命關東禮送經藝之士。

秦王堅詔關東之民。學過一經。才成一藝者。所在郡縣。

以禮送之。在官百石以上。學不通一經。才不成一藝者。罷遣還民。

秋七月。帝崩。太子昌明卽位。是爲孝武帝。

帝不豫。急召桓溫入輔。一曰一夜發四詔。溫辭不至。詔

立皇子昌明爲皇太子。道子爲琅邪王。領會稽國。以奉

祀。遺詔。溫依周公居攝故事。又曰。少子可輔者。輔之。如

不可。君自取之。侍中王坦之持詔入。于帝前毀之。帝曰。

天下儻來之運。卿何所嫌。坦之曰。天下宣元之天下。陛

下何得專之。帝乃使改詔曰。家國事。一稟大司馬。如諸

葛武侯。王丞相故事。是日。帝崩。羣臣曰。當須大司馬處

分。王彪之正色曰。天子崩。太子代立。大司馬何容得異。

簡文居攝之詔。朝臣幾欲依違。賴坦之彪之而不行。當時謝安竟未有所匡正。想亦在請須大司馬處分之列耳。蒼生如安石何聞。

望之不足憑如此

朝議乃定。太子卽位。太后欲令溫居攝。彪之曰。此異常

大事。大司馬必當固讓。使萬幾停滯。稽廢山陵。未敢奉

令。事遂不行。

溫望簡文臨終傳位。不爾。便當居攝。既不副所望。與弟冲書曰。詔使吾依武侯王公

故事耳。疑王坦之。謝安所爲。心銜之。

八月。秦加王猛都督中外諸軍事。

先是。秦王堅以猛爲丞相。苻融爲冀州牧。猛至長安。復

加都督中外諸軍事。辭章三四上。堅不許。猛爲相。堅端

拱于上。百官總已于下。軍國之事。無不由之。猛剛明清

肅。善惡著白。放黜尸素。顯拔幽滯。勸課農桑。練習軍旅。

官必當才。刑必當罪。由是國富兵強。戰無不克。秦國大

治。

陽平公融在冀州。坐擅起學舍。爲有司所糾。使燕尚書郎高泰至長安。見猛曰。昔魯僖公以泮宮發頌。齊

宣王以稷下垂聲。今陽平公開建學宮。乃煩有司舉劾。明公懲勸如此。下吏何以逃罪乎。猛曰。是吾過也。事遂釋。

冬十月葬高平陵。

在江寧府上元縣。

三吳大饑。

烈宗孝武皇帝

癸酉寧康元年春二月桓溫來朝。

溫來朝。詔吏部尚書謝安。侍中王坦之。迎於新亭。時都下恟恟。云欲誅王。謝因移晉祚。坦之甚懼。安神色不變。曰。晉祚存亡。決於此行。溫既至。百官拜於道側。溫大陳兵衛。延見朝士。坦之流汗沾衣。倒執手板。安從容就席。謂溫曰。安聞諸侯有道。守在四鄰。明公何須壁後置人。

邪。溫笑曰：「正自不能不爾。」遂命撤之。與安笑語移日。溫令

郗超卧帳中聽其言。風動帳開。安笑曰：「郗生可謂入幕之賓矣。」時天子幼弱。外有強臣。安與坦之盡忠輔衛。卒安晉室。三月。溫有疾。還姑孰。

秋七月。桓溫死。以桓冲都督揚豫江州軍事。

溫疾篤。諷朝廷求九錫。屢使人趣之。謝安王坦之故緩其事。使袁宏具草。安見其草。輒改之。由是歷旬不就。溫弟江州刺史冲。問溫以安坦之所宜任。溫曰：「渠等不爲汝所處分也。」溫以世子熙才弱。使冲領其衆。溫卒。冲代溫居任。盡忠王室。或勸誅除時望。冲不從。始溫在鎮。死罪皆專決。冲以爲生殺之重。當歸朝廷。須報後行。熙及弟濟

謀殺冲。冲徙之長沙。稱溫遺令。以少子元爲嗣。襲封南郡公。時方五歲。桓元。字敬道。一名靈寶。

皇太后臨朝攝政。以王彪之為尚書令。謝安為僕射。

謝安以天子幼冲。欲請崇德太后臨朝。

褚太后居崇德宮。簡文卽位。尊

后為崇德太后。彪之曰。上年垂及冠婚。反令從嫂臨朝。豈所以

光揚聖德乎。安不欲委任桓冲。故請太后臨朝。已得專決。遂不從其言。彪之與其掌朝政。安每歎曰。朝廷大事。眾所不能決者。以諮王公。無不立決。

冬。秦寇梁益。陷之。

秦取二州。卽符。夜郎皆附之。

梓潼太守周虓固守涪城。遣步騎送母趣江陵。為秦

將所獲。虓遂降秦。秦王堅欲以虓為尚書郎。虓曰。蒙晉厚恩。老母見獲。失節于此。母子獲全。秦之惠也。雖公侯之貴。不以為榮。遂不仕。每見堅。或箕踞而坐。呼為氏賊。秦人以虓不遜。屢請殺之。堅待之彌厚。

楚之孫。

彗星見。

彗星出於尾箕。

晉書天文志。尾九星。亦爲九子。箕四星。亦曰天津。

長十餘丈。經

太微。掃東井。自四月見。及冬不滅。秦太史令張孟言。尾

箕燕分。

天文志。自尾十度至南斗十一度。爲析木。燕之分野。

東井秦分。

自東井十度至柳

八度。爲鶉首。秦之分野。

也。今彗起尾箕而掃東井。十年之後。燕當

滅秦。二十年之後。代當滅燕。

胡三省曰。按天文志。雲中入東井一度。定襄入東井

八度。代郡入東井二十八度。皆拓跋氏地也。所以知代當滅燕者。天道好還。秦已滅矣。代乘天運。反而滅燕。自

然之數也。慕容氏布列朝廷。臣竊憂之。宜剪其魁傑。以消天

變。堅不聽。陽平公融亦上疏言之。堅報曰。朕方混六合

爲一家。視夷狄爲赤子。汝宜息慮。勿懷耿介。夫惟修德。

可以禳災。苟能內求諸己。何懼外患乎。

甲戌二年春二月以王坦之都督徐兖等州軍事詔謝安總中書。

安好聲律。替功之慘。不廢絲竹。士大夫效之。遂以成俗。

坦之屢書苦諫曰。天下之寶當為天下惜之。安不能從。

又嘗與王羲之登冶城。

在江寧府治北。金陵記。卽今朝天宮。

悠然遐想。有

高世之志。羲之謂曰。夏禹勤王。手足胼胝。文王旰食。日

不暇給。今四郊多壘。宜思自効。而虛談廢務。浮文妨要。

恐非當世所宜。安曰。秦任商鞅。二世而亡。豈清言致患

邪。

乙亥三年夏五月徐兖都督藍田侯王坦之卒。諡曰獻。

坦之臨終。與謝安桓冲書。惟以國家為憂。言不及私。

以桓冲爲徐州刺史。謝安領揚州刺史。

冲以安素有重望。以揚州讓之。自求外出。桓氏族黨莫不苦諫。冲處之澹然。

秋七月。秦丞相清河侯王猛卒。諡曰武。

猛寢疾。秦王堅親爲祈郊廟社稷。分遣近臣徧禱河岳。疾少瘳。爲之赦殊死以下。猛上疏曰。不圖陛下以臣之命。而虧天地之德。開闢以來。未之有也。臣聞報德莫如盡言。謹以垂沒之命。竊獻遺欸。夫善作者不必善成。善始者不必善終。古先哲王。知功業之不易。戰戰兢兢。如臨深谷。伏惟陛下。追蹤前聖。天下幸甚。堅覽之悲慟。七月。堅親至猛第視疾。訪以後事。猛曰。晉雖僻處江南。然

正朔相承。上下安和。臣沒之後。願勿以晉爲圖。鮮卑西
羌。我之仇敵。終爲大患。宜漸除之。以便社稷。言終而卒。
堅比斂三臨哭。謂太子宏曰。天不欲使吾平一六合邪。
何奪吾景畧之速也。葬之如漢霍光故事。

八月立皇后王氏。

濛女孫。

九月以徐邈

東莞姑幕人。家京口。

爲中書舍人。

晉官。手呈奏案。

帝講孝經。始覽典籍。延儒士。謝安薦邈補中書舍人。每
被顧問。多所匡益。帝或宴集。酣樂之後。好爲詩章。文辭
穢雜。邈應時收斂。還省刊削。經帝重覽。然後出之。

冬十月癸酉朔日食。

秦置聽訟觀。遣太子入學。禁老莊圖讖之學。

放誕之弊原于老莊悖亂之萌起于圖讖東晉膏肓痼疾符堅一言足以洞其癥結

秦王堅詔曰。新喪賢輔。百司或未稱朕心。可置聽訟觀。五日一臨。以求民隱。今天下雖未大定。權可偃武修文。以稱武侯。謂王猛。雅旨。其增崇儒教。禁老莊圖讖之學。犯者棄市。妙簡學生。太子及羣臣之子。皆就學受業。尚書郎王佩讀讖。堅殺之。讖學遂絕。

丙子太元元年。

是歲涼代皆亡。僭國一秦。

春正月朔。帝冠。太后歸政。以謝

安為中書監。錄尚書事。

秋七月。秦遣兵擊涼州。八月。敗其兵。涼將掌據死之。張天錫降。

秦王堅以天錫雖稱藩受位。而臣道未純。遣將軍苟萇。梁熙等。將兵臨西河。尚書郎閻負。梁殊奉詔徵之。若有

違命。卽進師撲討。負殊至姑臧。天錫會官屬謀之。皆曰。

河西天險。若悉境內精兵。右招西域。北引匈奴。何遽知

其不捷也。天錫攘袂大言曰。孤計決矣。言降者斬。乃縛

負殊。射殺之。使將軍馬建。帥衆二萬拒秦。八月。秦師濟

河。天錫遣掌據軍于洪池。嶺名。在今涼州府武威縣東南。自帥餘衆屯

金昌城。在今涼州府永昌縣。苟萇使姚萇爲前驅。馬建迎降。掌據

戰死。據兵敗。就帳免胄。西向稽首。伏劍而死。天錫出城自戰。城內又反。乃

奔還姑臧。秦兵至。天錫面縛出降。涼州郡縣悉下。封天

錫歸義侯。前涼自張軌據涼州。至天錫亡。凡九主。合六十九年。

詔除度田收租之制。

初。哀帝減田租。畝收二升。至是除之。王公以下。口稅米

三斛。蠲在役之身。

冬十一月己巳朔日食。

秦遣兵擊代。敗之。十二月代寔君弒其君什翼犍。秦討殺之。遂分代爲二部。

劉衛辰爲代所逼。求救于秦。秦王堅遣行唐公洛鄧羌

朱彤等將兵擊代。以衛辰爲鄉導。代王什翼犍使南部

大人劉庫仁。

一名洛垂。衛辰之族。什翼犍之甥。

將兵拒戰。大敗。什翼犍

病不能自將。乃奔陰山之北。聞秦兵稍退。復還雲中。初。

什翼犍世子寔早卒。寔子珪尚幼。慕容妃諸子皆長。繼

嗣未定。至是。庶長子寔君。遂殺諸弟。并弒什翼犍。秦兵

趨雲中。部衆逃潰。國中大亂。珪母賀氏以珪走依賀納。

野干之子。秦王堅召代長史燕鳳。字子章。代人。問代亂故。鳳具以

對。堅曰。天下之惡一也。乃執寔君至長安。車裂之。堅欲

于長安。鳳固請曰。代王遺孫冲幼。莫相統攝。庫仁勇而有智。衛辰狡猾多變。皆不可獨任。宜分諸部為二。令此

兩人統之。兩人素有深讐。而勢莫敢先發。俟其孫稍長立之。是陛下有存亡繼絕之德于代。使其子孫永為不

侵不叛之臣。此安邊之良策也。堅從之。分代為二部。自河以東屬庫仁。自

河以西屬衛辰。使統其眾。賀氏以珪依庫仁。庫仁招撫

離散。恩信甚著。奉事拓跋珪。恩勤周備。不以廢興易意。

常謂諸子曰。此兒有高天下之志。必能恢隆祖業。汝曹

當謹遇之。

丑丁二年春三月。以朱序為梁州刺史。鎮襄陽。

冬十月。以桓冲都督江荆等州軍事。謝元監江北軍事。

桓冲以秦人彊盛欲移阻江南奏自江陵徙鎮上明。城名。

在荊州府松滋縣水經注。使劉波。字道則。守江陵楊亮。

弘農華陰人漢太尉震之後。守江夏時朝廷方以秦寇為憂詔求文

武良將可鎮禦北方者安以兄子元應詔。初中書郎郗超自以其父

愔位遇應在謝安之右而優游散地常憤悒形于辭色由是與謝氏有隙及聞安舉元嘆曰安之明乃能違衆

舉親元之才足以不負所舉衆咸以為不然超曰吾嘗與元共在桓公府見其使才雖履展間不嘗不得其任

是以元鎮廣陵募驍勇之士得劉牢之。字道堅。等數人。

以牢之為參軍常領精卒為前鋒戰無不捷時號北府

兵敵人畏之

散騎常侍王彪之卒。諡曰簡。

初謝安欲增修宮室彪之曰中興之初即東府。在臺城之東。

爲宮。殊爲儉陋。蘇峻之亂。成帝止蘭臺。

卽御都坐。猶言史臺。都坐。都堂。

不蔽風雨。是以更營新宮。比之漢魏。則爲儉。比之初過江。則爲侈矣。今寇敵方彊。豈可大興工役。勞擾百姓邪。安曰。宮室敝陋。後世謂人無能。彪之曰。凡任天下之重者。當保國寧家。緝熙政事。乃以修室屋爲能邪。安不能奪。故終彪之之世。無所營造。彪之旣卒。明年春。遂作新宮。至秋乃成。

戊寅三年春二月。秦寇梁州。夏四月。陷南陽。

秦王堅遣長樂公丕等攻襄陽。至沔北。梁州刺史朱序以秦無舟楫。不以爲虞。旣而秦軍浮馬以渡。序惶駭。固守中城。丕督諸將攻之。先是。序母韓氏聞秦兵將至。自

登城履行。至西北隅，以爲不固，帥百餘婢及城中女丁。

築斜城于其內，及秦兵攻城，西北隅果潰，衆移守新城。

襄陽人謂之夫人城。

不欲急攻襄陽，荀葛曰：吾衆十倍于敵，糧糧山積，但稍遷漢沔之民。

于許洛塞其運道，絕其援兵，譬如網中之禽，何患不獲而多殺將士，急求成功哉？丕從之。元和志：夫人城在

襄陽縣西北。

慕容垂拔南陽，執太守鄭裔，與丕會。

己卯

四年春二月，秦陷襄陽，執刺史朱序以歸。

苻丕久圍襄陽，秦御史中丞李柔劾丕師老無功，請徵

下廷尉。秦王遣使持節切讓丕等，丕等惶恐，命諸軍并

力進攻。朱序屢破秦兵，守備稍懈，督護李伯護爲秦內

應，丕遂克襄陽，執序送長安，堅以序能守節，拜度支尚

書，以伯護爲不忠，斬之。

秦將慕容越拔順陽，執太守丁穆，堅欲官之，穆固辭不受。丁

穆字彥遠。
譙國人。

夏四月秦陷魏興太守吉挹

字祖冲。馮翊蓮苟人。

死之。

秦韋鍾拔魏興吉挹引刀欲自殺。左右奪其刀。會秦人至。執之。挹不言不食而死。秦王堅歎曰。周孟威不屈于前。丁彥遠潔已于後。吉祖冲閉口而死。何晉氏之多忠

臣也。

挹參軍史穎逃歸得挹臨終手疏。詔贈益州刺史。

五月秦陷盱眙進圍三阿。

今曰北阿鎮在揚州府高郵州西北。

謝元連戰敗

走之。

先是秦陷彭城淮陰。

謝元救彭城軍泗口欲遣間使報太守戴逵部將田泓請沒水潛往。

元遣之爲秦人所獲厚賂之使云南軍已敗泓僞許之既而告城中曰南軍垂至我單行來報爲賊所執勉之秦人殺之。至是秦將俱難彭超拔盱眙遂圍田洛于三彭城遂陷。

阿去廣陵百里。朝廷大震。臨江列戍。謝元自廣陵救三
阿。難超戰敗。退保盱眙。六月。元進攻之。又敗。退屯淮陰。
元遣何謙等帥舟師乘潮而上。夜焚淮橋。難超退屯淮
北。元謙等共追之。戰于君川。胡三省注。盱眙縣北有復
君山。此蓋君山之川也。復
大破之。難超北走。僅以身免。元還廣陵。加領徐州刺史。
秦王堅大怒。徵超下廷尉。自殺。難削爵爲民。

秦大饑。

御批歷代通鑑輯覽卷之三十四

晉

烈宗孝武皇帝

庚辰太元五年春二月秦作教武堂。

秦作教武堂于渭城。

注見前。

命太學生明陰陽兵法者教

授諸將秘書監朱彤諫曰陛下四海之地什得其八宜

稍偃武修文乃更始立學舍教人戰鬪之術非所以致

太平也且諸將百戰之餘何患不習于兵而更使受教

于書生非所以彊其志氣也此無益于實而有損于名

堅乃止。

夏四月以謝安爲衛將軍與桓冲並開府儀同三司。

朝廷以秦兵之退。為謝安桓冲之功。故有是命。

六月。秦以苻融為中書監都督諸軍。錄尚書事。苻丕為冀州牧。苻暉為豫州牧。

秦王堅以諸氏種類繁滋。分三原。

注見前。

九嶷。

山名。在西安府醴泉

縣東。

武都。并雍。

注俱見前。

氏十五萬戶。使諸宗親領之。散居

方鎮。如古諸侯。

世領其種類。如諸侯世封。

以其子長樂公丕鎮鄴。平

原公暉鎮洛陽。石越。梁讜。毛興。王騰等。皆為諸州刺史。

堅送丕至灞上。丕所領氏三千戶。別其父兄。皆慟哭。哀

感路人。秘書侍郎趙整。因侍宴。援琴而歌曰。阿得脂。阿

得脂。伯勞舅父是仇。綏尾長翼短。不能飛。遠徙種人留

鮮卑。一旦緩急當語誰。堅笑而不納。整宦官也。博文彊

記。能屬文。好直言而諫。慕容垂夫人得幸于堅。堅與之

同輦。遊于後庭。整歌曰。不見雀來入鸞室。但見浮雲蔽

白日。堅改容謝之。命夫人下輦。堅與羣臣飲。以極醉為

限。整作酒德之歌曰。地列酒泉。天垂酒旗。杜康妙識儀

狄先知紂喪殷邦。桀傾夏國。由此言之。前危後則堅大。
悅自是宴羣臣。禮飲而已。趙整畧陽清水人。後出家
事佛。更名道整。伯勞。爾雅曰。鵲伯勞。仇綏。未詳。酒旗通
鑑作池。胡三省曰。當從旗。天文志。軒轅右角南二星曰
酒旗。杜康。古之造
酒者。儀狄。注見前。

秋九月。皇后王氏崩。

冬十一月。葬定皇后。

辛巳六年春正月。立佛精舍于殿內。

帝初奉佛法。立精舍。釋迦譜。息心所棲曰精舍。于殿內。引諸沙門居

之。左丞王雅。字茂達。肅曾孫。諫不從。

夏六月。庚子朔。日食。

冬十一月。秦寇竟陵。桓冲擊破之。遂拔管城。在安陸府鍾祥縣。敖水北。

獲其將閭振。吳仲。

振仲寇竟陵。冲遣太守桓石虔

諮之子

參軍桓石民

石虔弟

帥眾拒擊。大破之。振仲退保管城。石虔進攻拔之。獲振

仲。俘斬萬七千有奇。

壬午

七年春三月。秦司農苻陽

堅兄法之子

侍郎王皮

猛之子

尚書

郎周虓謀反。事覺。徙邊。

秦東海公陽及王皮。周虓謀反。事覺。收下廷尉秦王堅

問其反狀。陽曰。臣父哀公死。不以罪。

法死事見前

臣為父復

仇耳。堅泣曰。哀公之死。事不在朕。皮曰。臣父丞相。有佐

命之勲。而臣不免貧賤。欲圖富貴耳。堅曰。丞相臨終。託

卿以十具牛。為治田之資。未嘗為卿求官。知子莫若父。

何其明也。虓曰。世荷晉恩。生為晉臣。死為晉鬼。復何問。

周虓既稱世荷晉恩。則不
宜受秦爵。既受爵。復屢叛。
直貪生之亂臣耳。苻陽王
皮均為叛逆。此而不誅。何

以立紀綱此特存堅自欲
博寬名而失正義矣

乎。先是。虓屢謀反。左右請殺之。堅曰。孟威烈士。皆赦不。秉志如此。豈憚死乎。殺之。適足成其名耳。誅徙陽高昌。即漢車師前部之高昌壁。涼置郡。秦因之。今爲土魯番地。皮虓朔方之北。

秋九月。秦遣將軍呂光。字世明。婆樓之子。將兵擊西域。

車師鄯善入朝于秦。請爲鄉導。以伐西域之不服者。因如漢法。置都護以統理之。秦王堅以呂光爲都督。總兵十萬。以伐西域。陽平公融諫曰。西域荒遠。得其民不可使。得其地不可食。漢武征之。得不補失。臣竊惜之。不聽。光行。越流沙焉。耆諸國皆降。惟龜茲王帛純固守。光進攻。大破之。帛純出走。光撫寧西域。恩威甚著。遠方諸國皆來歸附。

冬十月。秦會羣臣于太極殿。

秦王堅會羣臣于太極殿。議曰。今四方畧定。惟東南一隅未霑王化。計吾士卒可得九十餘萬。欲自將討之。何如。左僕射權翼曰。晉雖微弱。未有大惡。謝安桓冲皆江表偉人。君臣輯睦。未可圖也。太子左衛率石越曰。今歲鎮_二星名_一守斗_{七度爲星紀}。自南斗十二度至須女福德_{歲星所在}。故曰在吳。伐之必有天殃。且彼據長江之險。民爲之用。殆未可伐也。堅曰。天道幽遠。未易可知。以吾之衆。投鞭于江。足斷其流。又何險之足恃乎。于是羣臣各言利害。久之不決。堅曰。此所謂築室道旁。無時可成。吾當內斷于心耳。_{羣臣皆出。獨留陽平公融問之。對曰。今伐晉有三難。天道不順。晉國無釁。我數戰兵疲。民有畏敵之心。羣臣言晉不可伐者。皆忠臣也。願陛下聽之。堅作色曰。汝亦如此。吾復何望。融泣曰。晉未可滅。昭然甚}

明且臣之所憂不止于此。陛下寵育鮮卑，羣羯，布滿畿甸。太子獨與弱卒留守京師。臣懼變生肘腋，不可悔也。臣之頑愚，誠不足采。王景畧一時英傑，陛下常比之諸葛武侯，獨不記其臨沒之言乎？堅不聽。太子宏曰：「今歲在吳分，又晉君無罪，若大舉不捷，恐威名外挫，財力內竭耳。」堅曰：「昔吾滅燕，亦犯歲而捷，秦滅六國，豈皆暴虐乎？」冠軍慕容垂獨言于堅曰：「陛下斷自聖心，足矣。」晉武平吳，所仗者張杜二三臣而已。若從衆言，豈有混一之功乎？堅大悅，曰：「與吾共定天下者，獨卿而已。」堅素信重沙門道安，羣臣使乘間進言，堅與遊東苑，曰：「朕將與公南遊吳越，泛長江，臨滄海，不亦樂乎？」對曰：「陛下應天御世，居中土而制四維，自足以比隆堯舜，何必櫛風沐雨，經畧遐方？堅不聽。所幸張夫人亦諫，堅曰：「軍旅之事，非婦人所當預。」堅幼子詵最有寵，亦諫，堅曰：「天下大事，孺子安知？」

秦大熟

先是五月，秦幽州蝗。秦王堅命散騎常侍劉蘭彭城人發民撲除之，不能滅，有司請徵蘭下廷尉。秦王曰：「災降自

天非人力所能除。此由朕之失政。蘭何罪乎。至是歲大

熟。上田畝收七十石。下者三十石。蝗不出幽州之境。不食麻豆。上田畝收百石。下者五十石。

胡氏三省曰。物反常為妖。蝗之為災尚已。蝗生而不食五穀。妖之大者也。農夫力穡有秋。自古以來。無畝收百石。七十石之理。即五十石。三十石。亦未之聞也。使其有之。豈非反常之大者乎。使其無之。則州縣相與誣飾以罔上。亦不祥之大者也。秦亡宜矣。

八年夏五月。桓冲帥師伐秦。拔筑陽。漢縣。隋省。故城在今襄陽府穀城縣。

先是。冲遣將軍朱綽擊襄陽。掠六百餘戶而還。至是。冲

帥師十萬。復攻襄陽。別將攻筑陽。拔之。秦遣慕容垂來救。進臨沔水。夜

命軍士。人持十炬。繫于樹枝。先照數十里。冲懼。退還上明。

秋八月。秦王堅大舉入寇。詔征討都督謝石。字石奴。冠軍

萬之弟。冠軍

將軍謝元等帥師拒之。

秦王堅下詔大舉民每十丁遣一兵其良家子年二十以下有材勇者皆拜爲羽林郎良家子至者三萬餘騎拜趙盛之爲少年都統是時秦臣皆不欲堅行獨慕容垂姚萇及良家子勸之陽平公融諫曰垂萇我之仇讐良家少年皆富饒子弟不閑軍旅何可從也堅不聽八月遣融督張蚝慕容垂等步騎二十五萬爲前鋒以姚萇爲龍驤將軍督益涼州諸軍

堅謂萇曰朕昔以龍驤建業未嘗輕以授人卿

其勉之竇衡曰王者無戲言此不祥之徵也堅默然慕容紹言于垂曰主上驕矜已甚叔父建中興之業在此行也堅遂發長安戎卒六十餘萬騎二十七萬九月至項城涼州兵始達咸陽蜀漢兵皆順流而下幽冀兵至于

謝安賭墅羣詡為運籌帷幄不動聲色然八公之勝非朱序自敗乃公事則晉軍幾卒不振又何成算之可稱讀書而不具卓識隨人是非者多矣

彭城東西數千里水陸並進運漕萬艘融等兵先至潁

口潁水入淮之口在今江南潁州府潁上縣東詔以謝石為征討大都督謝

元為前鋒都督與將軍謝琰字瑗度安之子桓伊胡彬等督眾

八萬拒之時都下震恐元入問計于謝安安夷然答曰

畢集與元圍碁別墅安碁常劣于元是日元懼便為敵

手而又安遂遊陟至夜乃還桓冲深以根本為憂

遣精騎三千入援安固却之曰朝廷處分已定兵甲無

闕宜留以防西藩冲歎曰安石有廟堂之量不閑將畧

今大敵垂至方遊談不暇遣諸不經事少年

拒之眾又寡弱天下事已可知吾其左衽矣

以琅邪王道子錄尚書六條事

冬十一月謝石謝元等大破秦兵于肥水注見前殺其大將

苻融秦王堅走還長安

秦陽平公融等攻壽陽即壽春克之胡彬退保硤石山名在鳳

觀謝石謂元憚不敢進之
以則相沖之言不為無見
幸而朱序私通軍情苻堅
驕傲自滿持融未請軍機
陣陣自退以致晉軍乘勢
得勝耳不然石元將蹈憤
轅之譏又何偉績之能建
哉尹起華所謂大幸非刻
論也

陽府壽州西北。水經注淮
水北逕山硤中。謂之硤石。
融進攻之。秦將梁成等屯于
洛澗。在鳳陽府定遠縣西。下流入淮。謂之洛口。桐淮以遏東兵。
謝石、謝元等憚不敢進。彬糧盡。潛遣使告石等曰。今賊盛糧盡。恐不
復見大軍。秦人獲之。送于融。融使人白秦王。堅曰。賊少
易禽。但恐逃去。宜速赴之。堅乃留大軍于項城。引輕騎
八千兼道就融。遣朱序來說石等。不如速降。序私謂石
等曰。若秦衆盡至。誠難與為敵。今乘諸軍未集。宜速擊
之。若敗其前鋒。則彼已奪氣。可遂破也。十一月。元遣廣
陵相劉牢之帥精騎五千趨洛澗。梁成阻澗為陳以待
之。牢之直前渡水擊成。大破之。斬成。分兵斷其歸津。秦
步騎崩潰。赴淮死者萬五千人。于是石等水陸繼進。堅與

融登壽陽城望之。見晉兵部陣嚴整。又望見八公山上草木。皆以爲晉兵。顧謂融曰。此亦勦敵。何謂弱也。憚然始有懼色。八公山在壽州東北。漢時有八公諳淮南王安同登此故名。秦兵逼肥水而陳。元使謂融曰。君懸軍深入。而置陳逼水。此乃持久之計。非欲速戰者也。若移陳小却。使我兵得渡。以決勝負。不亦善乎。秦諸將皆曰。我衆彼寡。不如過之。使不得上。可以萬全。堅曰。但使半渡。我以鐵騎蹙而殺之。蔑不勝矣。融亦以爲然。遂麾兵使却。秦兵遂退。不可復止。元等引兵渡水擊之。融騎而畧陳。欲以止退者。馬倒。爲晉兵所殺。秦兵遂潰。元等乘勝追擊。至于青岡。在壽州西北。寰宇記。岡高一百步。秦兵大敗。自相蹈藉死者。蔽野塞川。其走者。聞風聲鶴唳。皆以爲晉兵。且至晝夜不敢息。草行露宿。重以飢

堅不早除垂垂不乘堅之
厄庸者以為英雄度量過
人譎者又以爲坐失事機
皆非也堅貪晉而欲藉垂
以就功垂因晉而欲疲堅
以復業正吳越春秋所云
蟬不知螳螂不知雀也

凍死者什七八初秦兵小却朱序在陳後大呼曰秦兵
敗矣衆遂大奔序因與張天錫皆來奔獲堅所乘雲母
車及儀服器械不可勝計遂取壽陽謝安得驛書知秦
兵已敗方與客圍
淝淝書置牀上丁無喜色圍淝如故客問之徐答曰堅
小兒輩遂已破賊既罷還內過戶限不覺屐齒之折堅
中流矢走至淮北謂張夫人曰吾今復何面目治天下
乎潛然流涕是時惟慕容垂所將三萬人獨全堅以千
餘騎赴之時垂世子寶言于垂曰此時不可失願不以
意氣微恩忘社稷之重垂曰彼以赤心投我
若之何害之天苟棄之何患不亡不若保護其危以報
德徐俟其釁而圖之既不負宿心且可以義取天下慕
容德曰此爲報仇非負宿心也垂曰吾昔爲太傅所不
容置身無所秦王以國士遇我後爲王猛所賣秦王獨
能明之此恩何可忘也若氏運必窮吾當懷集關東以復先業耳垂悉以兵授堅堅收
集離散比至洛陽衆十餘萬垂子農復謂垂曰尊不迫
人于險其義聲可以感動

天下夫取果于未熟與自落。不過晚旬日。行之間。然其難易美惡。相去遠矣。垂善其言。行至澠池。垂言于堅曰。北鄙聞王師不利。輕相煽動。臣請奉詔書以鎮慰之。堅許之。權翼諫曰。垂勇畧過人。世豪東夏。譬如養鷹。饑則附人。每聞風颿起。常有凌霄之志。正宜謹其條籠。豈可解縱。任其所欲哉。堅曰。卿言是也。然朕已許之。匹夫猶不食言。况萬乘乎。若天命有廢興。固非智力所能移也。翼曰。陛下重小信而輕社稷。臣見其往而不返。關東之亂。自此始矣。堅不聽。翼密遣壯士邀垂于河橋。垂疑之。詭道而去。堅至長安。哭陽平公融而後入。以謝石爲尚書令。進謝元號前將軍。固讓不受。

石等歸建康。得秦樂工。能習舊聲。于是宗廟始備金石。

之樂

以王國寶爲尚書郎。

謝安壻王國寶坦之子也。安惡其爲人。每抑而不用。由是怨安。國寶從妹爲會稽王道子妃。帝與道子皆嗜酒狎昵。國寶乃譖安于道子。使離間之。安功名旣盛而險詖求進之徒多毀短安。帝稍踈忌之。

秦將軍乞伏國仁

隴西鮮卑。其先有紇干者。以雄勇爲諸部統主。號乞伏可汗。傳至祐隣。其衆漸

盛。卽國仁。五世祖也。叛。據隴右。

初國仁之父司繁爲秦將王統所破。降秦。秦以爲南單

于。留之長安。已復使討叛胡。遂鎮勇士川。

本漢勇士縣。晉廢。故城在

今蘭州。司繁卒。國仁嗣。爲秦前將軍。從秦王堅入寇。其

叔父步顏聞秦師敗。率隴西以叛。秦使國仁討之。國仁

遂與步顏合。眾至十萬。據隴右。

丁零

北狄種名。注見前。

翟斌起兵攻洛陽。秦使慕容垂討之。垂叛

秦與斌合。

慕容垂至安陽。修好于長樂公丕。丕館垂于鄴西。垂潛

與燕故臣謀復燕祚。會丁零翟斌

燕以丁零種落居中。苻堅滅燕徙之新

安。斌仕秦為衛軍中郎。

叛秦。謀攻洛陽。秦王堅驛書使垂討之。石

越言于丕曰。垂有恢復舊業之志。今復資之以兵。此為

虎傅翼也。丕曰。垂在此。常恐為肘腋之變。今遠之于外。

不猶愈乎。乃以羸兵敝鎧給之。又遣苻飛龍帥氏騎一

千為之副。密戒飛龍曰。垂為三軍之帥。卿為謀垂之將。

垂心懷復仇而託言報德。蓋恐一發不中轉致蹉跌耳。觀取果自落及詭道避壯士其深沉陰謀畢見。若苻丕之應垂既隱忍而俟其變。又離間而藉之辭。至

斬更燒亭反形已露訖置
不問則所為婦人之仁匹
夫之勇耳

行矣勉之

垂請入鄴城拜廟。不勿許。乃潛服而入。亭吏

形已露矣

可因此除之。不曰淮南之敗。垂侍衛乘輿。此

功不可忘也

越退告人曰。公父子好為小仁。不顧大計。

終當為人擒耳。

垂留其子農。及從子楷。紹于鄴。行至安陽。聞不

與飛龍謀。因激怒其眾曰。吾盡忠于苻氏。而彼專欲圖

吾父子。吾雖欲已。得乎。乃停河內募兵。旬日間有眾八

千。夜襲飛龍氏兵。盡殺之。而慕容鳳

燕改宜都王桓子。

等亦各

帥部曲歸翟斌。會秦豫州牧平原公暉。遣毛當討斌。鳳

擊斬之。垂遂濟河焚橋。有眾三萬。遣人告農等。農等遂

以晦日將數十騎微服出鄴奔列人

漢縣。北齊省。故城在今廣平府肥鄉

縣起兵。

甲申

九年

後燕慕容垂元年。後秦姚萇白雀元年。舊春正月。大國一秦。新大國二。後燕。後秦。凡三僭國。

慕容垂自稱燕王

是爲後燕

慕容鳳勸翟斌奉垂爲盟主。斌從之。垂至洛陽。斌勸垂

稱尊號。垂曰。新興侯

謂慕容暉

吾主也。當迎歸反正耳。垂以

洛陽四面受敵。欲取鄴而據之。乃引兵東至滎陽。羣下

固請上尊號。垂乃稱燕王。立統府。承制行事。帥衆二十

餘萬。自石門濟河。長驅向鄴。慕容農之奔列人也。止于

烏桓魯利家。

利爲之置饌。農笑而不食。利謂其妻曰。惡

雄才大志。今無故而至。必將有異。非爲飲食來也。君亟

出遠望以備非常。

利從之。農以興復告利。利曰。死生惟

郎是

乃指張驤亦烏桓人說之。驤曰。得舊主而奉之。敢不致

死。于是農驅列人居民爲士卒。使趙秋說屠各東夷烏

桓各帥衆數千赴之。步騎雲集。遂至數萬。長樂公丕使

石越討之。農參軍趙謙請急擊越。農曰：彼甲在外，我甲在心。晝戰則士卒見其外貌而憚之，不如待暮擊之。可以必克。令戰士嚴備以待。母得妄動。向暮，農鼓譟而出。大衆隨之，大敗秦兵，斬越。越與毛當皆秦驍將，相繼敗沒。秦人騷動，盜賊羣起。垂至鄴，農引兵來會。垂遂立世子寶。字道祐。爲太子，封拜王公百餘人。垂曰：孤受主上不世之恩，故欲安全長樂公，使赴京師。然後修復舊業，永爲隣好。若不以鄴城見歸，當窮極兵勢，恐單馬求生，亦不可得也。讓厲聲責之曰：將軍不容于家國，投命聖朝，燕之尺土，將軍豈有分乎？主上與將軍風殊類別，一見傾心，親如宗戚，寵逾勲舊。一旦因王師小敗，遽有異圖。長樂公受分陝之任，寧可拱手輸將軍以百城之地乎？將軍欲裂冠毀冕，自可極其兵勢，但惜將軍以七十之年，懸首白旗，高世之忠，更爲逆鬼耳。垂默然。左右請殺之。垂曰：彼各爲其主耳，何罪？禮而歸之。上秦王堅表請送不歸，長安堅怒，復書切責之。

二月荆江都督豐城公桓冲卒。諡宣穆。

冲聞謝元等有功。自以失言。慙恨成疾而卒。

燕王垂圍鄴。

燕王垂攻鄴。拔其外郭。秦長樂公丕退守中城。垂築長

圍守之。垂遣其弟德及從子楷等攻秦枋頭館陶。皆取之。于是關東六州郡縣多降于燕。

燕慕容泓暉之弟起兵華陰。慕容冲泓之弟起兵平陽。秦遣苻

叡堅之子擊泓。敗死。夏四月。叡司馬姚萇起兵北地。自稱秦

王。是為後秦。

泓為秦北地長史。聞燕王垂攻鄴。亡奔關東。收集鮮卑。

還屯華陰。其眾遂盛。自稱雍州牧。秦王堅使鉅鹿公叡

都督中外諸軍事。討泓。以姚萇為司馬。泓弟冲為秦平

營中水三尺營外寸餘或
出附會奇談不然則其結
營處適當窪下耳若謂別
有神佑平地水能自深有
是理乎

陽太守亦起兵河東進攻蒲坂。堅使竇衝討之。泓聞秦
兵且至。帥衆將奔關東。獻麤猛輕敵。欲馳兵邀之。姚萇
諫不聽。遂與戰。兵敗。爲泓所殺。萇遣其長史詣堅謝罪。
堅怒殺之。萇懼。奔渭北馬牧。于是天水尹緯字景亮尹詳
南安龐演等。糾煽羌豪五萬餘衆。推萇爲盟主。萇自稱
秦王。進屯北地。羌胡降者十餘萬。已而長出北地。堅自帥步騎二萬擊之。萇
兵屢敗。軍中無井。秦人塞安公谷。堰水以困之。會天大雨。農營中水三尺。營外寸餘而已。萇軍復振。堅歎曰。天
亦佑賊乎。安公谷在西安府耀州。
秦遣兵擊慕容冲。破之。冲奔華陰。泓遂進逼長安。

秦竇衝擊冲。破之。冲奔華陰。泓衆至十餘萬。改元燕興。已而

燕諸將殺泓。立冲爲太弟。冲大破秦兵于鄭西。鄭縣之西。遂

據阿房城

泓沖之叛也。堅召慕容暉責之曰。卿之宗族。可謂人面獸心。不可以國士期也。命暉以書。

招諭泓沖。及垂。暉密遣使謂泓曰。吾籠中之人。必無還理。且燕室之罪人也。不足復顧。汝勉建大業。聽吾死。便即尊位。及泓見殺。沖復敗秦兵。暉與慕容肅謀伏兵殺堅。事覺。堅誅暉。肅并鮮卑無少長皆殺之。燕王垂幼子柔。與太子寶之子盛乘間得出。奔沖。

阿房城。注見前阿房。

六月。崇德太后褚氏崩。

秋七月。葬康獻皇后。

八月。燕王垂解鄴圍。趨新城。

即新興城。垂所築以置輜重。在廣平府肥鄉縣。

初。燕王垂圍鄴城久不下。以右司馬封衡言。引漳水灌

之。垂行圍。因飲于華林園。秦人密出兵掩之。矢下如雨。

垂幾不得出。冠軍慕容隆將驕衝之。垂僅而得免。至是。

鄴中芻糧俱盡。削松木以飼馬。垂曰。苟不必無降理。不

如開不西歸之路。以謝秦王疇昔之恩。乃解圍趨新城。

時翟斌以鄴城不下。潛與秦通謀。事覺。垂殺之。

遣都督謝元帥師伐秦。取河南。

太保安

三月詔以安為太保。

奏請乘苻氏傾敗。開拓中原。以元為

前鋒都督。帥桓石虔等伐秦。元至下邳。秦徐州刺史趙

遷棄彭城走。元進據之。使彭城內史劉牢之攻秦兗州。

刺史張崇棄鄆城奔燕。牢之據鄆城。河南城堡皆來歸

附。

已而元遣兵攻秦青州。降之。朝廷加元都督徐兗青司冀幽并七州諸軍事。

冬十月辛卯朔日食。

後秦王苻萇攻新平。

後漢郡。今陝西邠州是。

初。新平人殺其郡將。秦王堅缺其城角以恥之。新平民

望謂郡之賢豪深以為病。欲立忠義以雪之。及是萇至。太守

苟輔欲降。郡人馮傑等諫曰。昔田單以一城存齊。今秦

猶連城過百。奈何遽為叛臣乎。輔喜曰。此吾志也。于是

憑城固守。後秦為土山地道。輔亦于內為之。或戰地下。

或戰山上。後秦之眾死者萬餘人。輔詐降以誘萇。萇將

入城。覺之而返。輔伏兵邀擊。幾獲之。又殺萬餘人。輔堅守數

月。糧竭矢盡。乃帥其民以出。欲赴長安。萇圍而阬之。

慕容垂復圍鄴。謝元遣劉牢之救之。且饋之粟。

先是。謝元遣劉牢之等據碭磣。城名。在秦安府東。阿縣碭磣山上。郭滿

據滑臺。亦曰白馬城。今為衛輝府滑縣治。元和志滑川。治白馬城。即古滑臺。昔滑氏于此為壘。後人增

以為城。顏肱。劉襲。軍河北。襲攻黎陽。注見前。克之。苻丕大懼。

會燕王垂復引兵圍鄴。丕進退路窮。遣參軍焦達請救于元。元欲微丕任子。達固陳丕款誠。元乃遣劉牢之等帥眾二萬救鄴。丕告饑。元運米二千斛饋之。

乙酉十年。秦王苻堅大安元年。西燕主慕容冲更始元年。西秦王乞伏國仁建義元年。舊大國三。秦燕後秦。新大國一。西燕小國。春正月。燕慕容冲稱帝于阿房。是為西秦。凡五僭國。

冲稱帝改元。頗有自得之志。賞罰任情。慕容盛字道運。寶庶長子。年十三。謂慕容柔曰。十人之長。亦須才過九人。然後

得。中山三才不逮人。功未成而驕已甚。殆難濟乎。已而冲襲長安。秦王堅與戰。屢敗之。

夏四月。劉牢之進兵至鄴。燕王垂逆戰。敗走中山。牢之追擊。大敗而還。

牢之自枋頭至鄴。燕王垂逆戰而敗。遂撤圍北遁。牢之

引兵追之。疾趨二百里至五橋澤。胡三省注。在臨漳縣北。爭燕

重。垂邀擊。大破之。牢之單馬走。會秦救至。得免。鄴中饑

甚。丕率眾就晉穀于枋頭。牢之入屯鄴城。兵復少振。尋

坐軍敗徵還。丕亦還鄴。燕秦相持經年。幽冀人相食。落蕭條。垂以桑柘為軍糧。

中山。

五月。西燕攻長安。秦王堅出奔五將山。在鳳翔府岐山。東北亦曰武將山。

後秦執之以歸。

西燕主冲攻長安。秦王堅身自督戰。飛矢滿體。冲縱兵

暴掠士民。流散道路。斷絕千里。無煙堅大懼。以讖書云。

帝出五將久長得。乃留太子宏守長安。帥騎數百。與張

堅始禁圖讖之學。未謂不明。至是。傳信載文。以身嘗試。取之。後神智衰。退遂致此邪。其不能復振宜矣。

夫人中山公詵奔丘將山後秦王萇遣驍騎將軍吳忠圍之秦兵皆散走堅神色自若忠執之送詣新平堅之出也宣告州郡期以孟冬救長安宏不能守出奔下辨沖入長安縱兵大掠死者不可勝計已而宏自武都假道來奔詔處之江州

秋八月太保建昌公謝安卒

諡曰文靖

先是安與琅邪王道子有隙會秦人求救安請自將出鎮廣陵至是有疾求還至建康而卒詔加殊禮以葬以琅邪王道子領揚州刺史錄尚書都督中外諸軍事

後秦王萇弑秦王堅

後秦王萇幽秦王堅于別室使求傳國璽堅叱之曰五胡次序無汝羌名璽已送晉不可得也堅自以平生遇

萇有恩。尤忿之。數罵萇求死。萇遣人縊之。張夫人中山公誡皆自殺。後秦將士亦皆哀慟。萇欲隱其名。諡堅曰壯烈天王。

司馬氏光曰。論者皆以爲堅之亡。由不殺慕容垂。姚萇光獨以爲不然。使堅治國無失其道。則垂萇皆秦之能臣也。烏能爲亂哉。李克有言。數戰則民疲。數勝則主驕。以驕主御疲民。未有不亡者也。堅似之矣。
秦苻丕稱帝于晉陽。

秦長樂公丕將赴長安。會幽州刺史王永。

猛之子。

自薊州。

壺關遣使招之。丕乃帥鄴中男女六萬餘口。西如潞川。

將軍張蚝并州刺史王騰迎入晉陽。永以騎來會。丕始

知堅死。乃發喪卽位。

丕旣去鄴。燕使慕容和守之。

九月。秦呂光還自龜茲。擊涼州。殺其刺史梁熙而代之。

初呂光以龜茲饒樂欲留居之。天竺沙門鳩摩羅什曰：此不足留。將軍但東歸，自有福地可居。光乃以駝二萬餘頭載外國珍寶奇玩，驅駿馬萬匹而還。至玉門，涼州刺史梁熙發兵拒之。光破其兵，斬熙，入姑臧，自領涼州刺史，郡縣皆降。酒泉太守宋皓、西郡太守索泮，城守不能報讐，主滅臣死，固其宜也。光皆殺之。初，張天錫之南奔也，秦長水校尉王穆匿其世子大豫，與俱奔河西。既而魏安人焦松聚兵迎大豫為主，攻拔昌松，進逼姑臧。嶺西諸郡皆應之，尋為呂光所攻。大豫奔廣武，廣武人執送姑臧，斬之。穆亦被殺。索泮，字德林，敦煌人。西郡後漢末置，治日勒。故城在今甘肅府山丹縣。魏安，廣武皆前涼所置郡。故城俱在今涼州府平番縣。昌松，本漢蒼松縣，後涼改昌松。廢縣在涼州府古浪縣。

乞伏國仁自稱單于。是為西秦。

國仁稱單于。置將相。分其地置十二郡。築勇士城而都

之。秦封以爲苑川。

城名。在蘭州府金縣。水經注。苑川水。北逕牧師苑。故漢牧苑之地。有東西

二城。相去七里。王。

冬十二月。燕慕容麟攻秦博陵。

後漢縣。晉置郡。後魏省。故城在今保定府蠡縣。守

將王充。

新平氏人。

死之。

麟攻博陵。王充固守。城中糧竭矢盡。功曹張猗踰城出。

聚衆以應麟。充臨城數之曰。卿是秦民。吾是卿君。卿起

兵應賊而號義兵。何名實之相違也。古人求忠臣必于

孝子之門。卿母在城。棄而不顧。吾何有焉。不意中州禮

義之邦。乃有如卿者也。麟拔博陵。執充殺之。

燕定都中山。

先是燕樂浪王溫屯中山。撫舊招新。勸課農桑。倉庫充溢。溫乃運給軍糧。且營中山宮室。及是燕王垂至。謂諸將曰。樂浪王之功。雖蕭何何以加之。乃定都焉。

丙十一年。秦主苻登泰初元年。燕建興元年。後秦建初元年。西燕主慕容永中興元年。魏太祖道武帝拓跋珪登國元年。涼王呂光天安元年。舊大國四。秦。燕。後秦。後涼。小國一。西秦。新大國一。魏。小國一。後燕。凡七僭國。春正月。拓跋珪復立為代王。

先是劉庫仁死。弟頭眷代領其眾。庫仁之子顯弒之而

自立。顯又欲殺拓跋珪。珪遂奔賀蘭部。依其舅賀訥。至

是珪從曾祖紇羅。

力微之曾孫。

與諸部大人共請賀訥推珪

為主。大會于牛川。

在今山西朔平府右玉縣北邊牆外。

即代王位。以長孫

嵩

代人。

叔孫普洛。

拓跋隣命叔父之裔。曰乙旃氏。後改叔孫氏。

為南北部大

人分治其衆。以張袞字洪龍。上谷沮陽人。為左長史。許謙字元遜。代人。

為右司馬。王建廣寧人。等為外朝大人。奚牧拓跋隣之弟。為達奚氏。後

改。為治民長。皆掌宿衛。及叅謀議。長孫道生嵩從弟。等出

納教命。尋徙都盛樂。已而珪以燕師擊顯。大破之。顯奔西燕。盛樂。注見前。

燕王垂稱皇帝。

始置公卿百官。繕治宗廟社稷。

丁零翟遼斌從子。據黎陽。

翟斌之死也。遼奔黎陽。太守滕恬之南陽西鄂人。含從子。甚愛信

之。恬之喜畋獵。不愛士卒。遼潛施姦惠。以收衆心。遂執

恬之而據其郡。明年。燕王垂使慕容楷擊遼。降之。遼尋復叛燕。自稱魏天王。屯滑臺。

二月。西燕弑其主冲。

冲樂在長安。且畏燕王垂之彊。課農築室。爲久安計。鮮卑咸怨。將軍韓延因衆心不悅。殺之。立冲將段隨爲燕王。三月。慕容恒。慕容永虜從孫殺隨。立宜都王子顗。帥鮮卑男女四十萬口。去長安而東。恒弟韜殺顗。恒立冲之子瑤。永又殺之。乃立泓之子忠爲帝。忠以永爲丞相。至聞喜。聞燕王垂已稱帝。不敢進。築燕熙城。在今絳州聞喜縣而居之。未幾。刁雲等復殺忠。推永爲河東王。稱藩于燕。

三月。泰山太守張願叛。謝元退屯淮陰。

初。謝元欲使朱序屯梁國。而自屯彭城。以北固河上。西援洛陽。朝議以征役旣久。欲令元置戍而還。至是。張願以郡叛降翟遼。北方騷動。元謝罪乞解職。詔慰諭。令還。

淮陰。明年燕擊張願破之。于是青兗徐諸州郡縣壁壘多降于燕。後劉牢之擊敗翟遼。願復來降。

夏四月。代改稱魏。

魏王珪務農息民。國人悅之。

後秦王萇取長安。稱皇帝。

鮮卑既東。長安空虛。萇取之。始稱皇帝。置百官。

六月。以楊亮為雍州刺史。鎮衛山陵。荊州刺史桓石民取

弘農。初置湖陝二戍。後湖陝為姚興所陷。

秋七月。秦以苻登字文高。堅族孫。為南安王。注見前。

枹罕諸氏以河州刺史衛平衰老。廢之。推狄道長苻登

為雍河二州牧。率眾五萬下隴。攻南安。拔之。馳使請命。

秦主丕因而命之。仍封南安王。

冬十月西燕擊秦敗之秦主丕奔東垣

故城在今河南府新安縣魏書地形

志新安郡東垣卽此將軍馮該擊殺之

慕容永遣使詣秦主丕求假道東歸丕不許與戰于襄陵秦兵大敗丞相王永等皆死丕帥騎數千南奔東垣謀襲洛陽馮該自陝邀擊殺之執其太子寧等送建康詔赦不誅

西燕慕容永稱帝于長子

漢縣今屬山西潞安府

永進據長子卽帝位將以秦后楊氏爲上夫人楊氏引

劍刺之爲所殺

時燕主垂之子柔及孫盛會皆在長子相繼逃歸于垂

海西公奕薨于吳

公自徙吳之後深慮橫禍專飲酒恣聲色有子不育時

人憐之。至是薨。年四十五。

十一月。秦苻登稱帝于南安。

登既克南安。夷夏歸之者三萬餘戶。遂進攻後秦主苻

之弟碩德于秦州。苻自往救之。登與戰。大破之。啖青

青。名曰。氏人。射苻中之。苻走保上邽。碩德代統其衆。至是秦尚

書寇遣奉渤海王懿。丕之子。自杏城。注見前。奔南安。登發丕

喪行服。議立懿為主。衆曰。渤海年幼。未堪多難。非大王

不可。登乃卽帝位。

十二月。呂光自稱酒泉公。是爲後涼。

初。光得秦主堅凶問。舉軍縞素。至是。自稱涼州牧酒泉公。

秦主登伐後秦。

秦主登立世祖丕諡堅世祖宣昭皇帝神主于軍中載以輜輶衛

以虎賁凡所欲為必啟而後行引兵五萬東擊後秦將

士皆刻鉞鎧為死休字每戰以劒稍為方圓大陣有厚

薄從中分配故人自為戰所向無前初長安之將敗也將軍徐嵩胡空各

聚眾結壘自固既而受後秦官爵後秦以王禮葬秦王

堅于二壘之間及登至嵩空以壘降登拜嵩雍州刺史

禮徐嵩字元高盛之子丁亥十二年春正月以朱序為青兗刺史鎮淮陰謝元為會

稽內史。

夏四月尊母李氏為皇太妃。

五月徵處士戴逵字安道譙國不至。

踰垣閉門聖賢譏其已甚
安有奉詔徵而可逃匿他
所乎達托自求其志之說
純盜虛聲所謂率天下而
入於無用者必欲曲成其
名於世何補謝元顧斤斤
愛惜謂當使其身名並存
亦鄙論耳

詔徵會稽處士戴逵。逵累辭不就。郡縣敦逼不已。逵逃
匿于吳。內史謝元上疏曰。逵自求其志。今王命未回。將
罹風霜之患。陛下旣已愛而器之。宜使其身名並存。請
絕召命。帝許之。

秋八月。立子德宗爲皇太子。

冬十二月。後秦攻秦。拔將軍徐嵩壘。嵩死之。

後秦姚方成拔嵩壘。執而數之。嵩罵曰。汝姚萇罪當萬
死。先帝赦之。授任內外。榮寵極矣。曾不如犬馬識所養
之恩。親爲大逆。汝羌輩豈可以人理期也。何不速殺我。
早見先帝。取萇于地下治之。方成怒。三斬嵩。悉坑其士
卒。萇掘秦主堅屍。鞭撻剥裸。
薦之以棘。坎土而埋之。

戊十三年。西秦王乞伏乾歸太初元年。春正月康樂公謝元卒。論獻武。

秦主登軍朝那。漢縣屬安定郡。後魏廢。故城在今平涼府平涼縣。後秦主苻軍武

都。胡三省注。此武都亦當在安定界。漢安定有安武縣。武都或卽此地。

兩秦相持。屢戰互有勝負。數月乃解。關西豪傑以後秦無成功。多去而附秦。

夏四月。以朱序都督司雍等州軍事。戍洛陽。譙王恬。字元愉。烈

王無忌子。都督兗冀等州軍事。鎮淮陰。

六月。西秦王乞伏國仁卒。弟乾歸立。

乾歸號河南王。遷都金城。注見前。秦封以爲金城王。秦涼

鮮卑羌胡多附之。

秋八月。魏遣使如燕。

魏主珪密有圖燕之志遣九原公儀什翼犍之孫奉使至中

山還言于珪曰燕主衰老太子闇弱范陽王謂慕容德自負

材氣非少主臣燕主既沒內難必作于時乃可圖也今

則未可珪善之

巳丑十四年後涼麟嘉元年春二月呂光自稱三河王

秋八月秦主登擊安定後秦主苻襲破其輜重秦后毛氏

死之

秦主登留輜重于大界胡三省注在安定新平之間自將輕騎攻安

定先是後秦主苻以秦戰屢勝謂得秦王堅之助亦于軍中立堅像而禱之秦主登升樓遙謂之曰為臣弑

君而立像求福庸有益乎因大呼曰弑君賊姚苻何不自出吾與汝決之苻不應至是苻以軍未有利斬像首

以送諸將勸苻決戰苻曰與窮寇爭勝兵家之忌也互

將以計取之。乃留兵守安定。夜帥騎三萬襲大界。克之。
登后毛氏美而勇。善騎射。兵入其營。猶彎弓跨馬。帥壯
士力戰。殺七百餘人。眾寡不敵。為後秦所執。萇將納之。
毛氏罵且哭曰。姚萇。汝已弑天子。又欲辱皇后。皇天后
土。寧汝容乎。遂殺之。諸將欲因秦軍駭亂擊之。萇曰。登
眾雖亂。怒氣猶盛。未可輕也。遂止。

登收餘眾。
保胡空壘。

劉友益書法曰。秦世氏耳。前王充繼徐尚。
此毛氏死節者凡三人。世亂識忠臣信哉。

冬十一月。以范甯

字武子。順陽人。為豫章太守。

初。帝既親政事。威權已出。有人主之量。已而溺于酒色。
委政于琅邪王道子。道子亦嗜酒。日夕與帝以酣歌為
事。又崇尚浮屠。窮奢極費。所親昵者。皆娼

武酣反。姆莫
老女稱。

反。女曾尼。近習弄權。交通請託。賄賂公行。官爵濫雜。刑

獄繆亂。

向書令陸納望宮闕歎曰。好家居。纖兒欲撞壞之邪。左衛領營將軍許營上疏不省。陸納字

祖言。吳人。許營。曾稽人。

道子勢傾中外。帝漸不平。侍中王國寶以

讒佞有寵于道子。詆八座。啟道子宜加殊禮。護軍車胤

字武子。南平人。曰。此乃成王所以尊周公者。今主上當陽。豈得

為此。乃稱疾不署。疏奏。帝大怒。而嘉胤有守。中書侍郎

范甯。徐邈。為帝所親信。數進忠言。補正闕失。指斥姦黨。

國寶。甯之甥也。甯尤疾其阿諛。勸帝黜之。國寶遂與道

子譖甯。出為豫章太守。

甯在豫章。遣議曹下屬城採求風政。訊問官長得失。徐邈與甯

書曰。自古以來。欲為左右耳目者。無非小人。皆先因小忠而成其大不忠。先藉小信而成其大不信。遂使讒諂並進。善惡倒置。可不戒哉。足下慎選綱紀。必得國士以攝諸曹。諸曹皆得良吏。以掌文案。又擇公方之人。以為

先帝小忠信以成大不忠
不信實千古小人通病徐
邈諄諄致書戒甯勿任耳
目持論極當但所云得國
上良吏委以攝掌則猶未
為盡善使無克知灼見之
明採取虛名過為任用則
貽誤正復不淺坐嘯畫諾
之風其流弊將安底哉

監司則清濁能不莫可混淆足下但平心而處之何取
于耳目哉甯好儒學性執直常謂王弼何晏之罪深于
桀紂或以為貶之太過甯曰王何晏棗紂縱暴一時適
游辭浮說波蕩後生使縉紳之徒翻然改轍以至禮壞
樂崩中原傾覆遺風餘俗至今為患棗紂縱暴一時適
足以喪身覆國為後世戒豈能同百姓之視聽哉故吾
以為一世之禍輕歷代之患重
自喪之惡小迷眾之罪大也
十五年春正月西燕主永寇洛陽朱序擊走之還擊翟
遼又走之

西燕主永引兵向洛陽朱序自河陰北濟河擊敗之永

走還上黨序追至白水

在山西澤州府鳳臺縣南水經注白水出高都縣故城西即此

會翟遼謀向洛陽序乃引兵還擊走之留將軍朱黨守

石門使其子畧督護洛陽自還襄陽

已而西燕復寇河南太守楊佺期擊

破之佺期亮之子

二月以王恭

字孝伯。蘊之子。

都督青兗等州軍事。

琅邪王道子恃寵驕恣。帝寢不能平。欲選時望為藩鎮。

以潛制之。問于太子左衛率王雅曰。吾欲用王恭。殷仲

堪。

陳郡人。

何如。雅曰。恭風神簡貴。志氣方嚴。仲堪謹于細

行。以文義著稱。然皆峻狹。自是幹畧不長。天下無事。足以守職。若其有事。必為亂階矣。帝不從。乃使恭鎮京口。

夏四月。秦將軍魏揭飛攻後秦之杏城。雷惡地應之。後秦主萇擊斬揭飛。惡地降。

先是。秦將軍雷惡地降于後秦。

後秦主萇使人詐招秦主登。許開門納之。登將

從之。惡地在外。馳騎見登曰。萇多詐。不可信也。萇聞之。謂諸將曰。此羌見登。事不成矣。登以惡地勇畧過人。憚之。于是惡地降萇。至是。秦主登遣將軍魏揭飛帥氐胡攻後秦。

將姚當成于杏城惡地復應之攻李潤

地名在同州府大荔縣西北李

延壽曰馮翊東有李潤鎮即此

後秦主苻自引精兵一千六百擊之揭

飛惡地有衆數萬氏胡赴之者首尾不絕見後秦兵少

悉衆攻之苻固壘不戰示之以弱潛遣騎出其後揭飛

兵擾亂苻縱兵擊之斬揭飛及其將士萬餘級惡地請

降苻待之如初

苻命姚當成于所營之地每柵孔中樹一木以旌戰功當成曰營地太小苻曰

我自結髮以來與人戰未嘗如此之快以千餘兵破三萬之衆營地惟小爲奇豈以大爲貴哉是秋馮翊人郭

質起兵應秦移檄三輔獨鄭縣人苟曜不從聚衆附于後秦擊質質走洛陽明年夏苟曜密招秦主登許爲內

應登赴之軍于馬頭原苻帥衆逆戰登擊破之斬其將軍吳忠苻收兵復戰姚碩德問之苻曰登用兵遲緩不

識虛實今輕兵直進此必苟曜與之有謀也緩之則其謀得成故及其未合急擊之耳遂進戰大敗之登退屯

郿尋復攻安定苻拒之謂太子興曰苟曜聞吾北行必來見汝汝執誅之苻旣行曜果至長安興誅之苻擊登

于安定城東敗之。馬頭原在鳳翔府郿縣東南。

辛卯十六年冬十月魏王珪擊柔然。東胡之苗裔其先日木死子車鹿會雄健始有部衆自號柔然。大破之徙之雲中。

初柔然部人世服于代及秦滅代遂附于劉衛辰魏王

珪卽位高車。古赤狄之種初號爲狄歷北方名爲勅勒諸夏以爲高車丁零諸部皆服。

獨柔然不下珪引兵擊之柔然舉部遁走珪倍道追之

及于大磧大破之悉徙其部衆于雲中

劉衛辰攻魏南部魏王珪大破之衛辰走死諸部悉降

劉衛辰遣子直力鞬率衆九萬攻魏南部魏王珪引兵

大破之乘勝追奔衛辰部落駭亂珪遂直抵其所居悅

跋城。卽代來城在今鄂爾多斯左翼界。衛辰父子出走分遣輕騎追之

獲直力鞬。衛辰爲其下所殺。珪誅其宗黨五千人。河南

諸郡悉降。獲馬三十餘萬匹。牛羊四百餘萬頭。國用由

是遂饒。衛辰少子勃勃即赫連勃勃字屈子亡奔薛干部。鮮卑別部薛

干部送于沒奕干。河西鮮卑後秦封高平公沒奕干以女妻之。

壬辰十七年夏五月丁卯朔日食。

燕主垂擊翟釗。遼之子釗奔西燕。

先是翟遼死。子釗代領其衆。至是燕主垂擊釗。垂軍至

黎陽。臨河欲濟。釗列兵南岸以拒之。垂徙營就西津。去

黎陽西四十里。爲牛皮船百餘艘。僞列兵仗。泝流而上。

釗急引兵趨之。垂潛遣慕容鎮等自黎陽津夜濟。營于

河南。比明營成。釗急還攻。垂命堅壁勿戰。釗兵往來疲

喝攻營不拔。將引去。鎮等出戰。慕容農自西津濟夾擊。大破之。盡獲其衆。及所統七郡三萬餘戶。釗奔長子。歲餘謀反。永殺之。

冬十一月。以殷仲堪都督荆益寧州軍事。

仲堪雖有時譽。資望猶淺。到官。好行小惠。綱目不舉。南

郡公桓元。負其才地。以雄豪自處。朝廷疑而不用。年二

十三。始拜洗馬。

嘗詣琅邪王道士。值其酣醉。張目謂衆客曰。桓溫晚塗欲作賊。云何。元伏地流

汗。不能起。由是不自安。而切齒于道士。

後出補義興太守。鬱鬱不得志。歎

曰。父爲九州伯。兒爲五湖長。遂棄官歸國。上疏自訟。不

報。

桓氏累世臨荊州。元復豪橫。士民畏之。嘗于仲堪聽事。前戲馬。以稍擬仲堪。參軍劉邁曰。馬稍有餘。精理

不足。元不悅。既出。仲堪謂邁曰。卿狂人也。元夜遣殺卿。我豈能相救邪。使邁避之。元果使人追之。不及。劉邁

桓元怨望。棄官奔髦國。意乃聽其翔翔。階亂蒿目。誰何。東晉紀綱可謂掃地矣。

字伯羣。征虜參軍胡藩。字道序。南昌人。過江陵。見仲堪曰。元志

趣不常。節下崇待太過。非計也。藩內弟羅企生。字示伯。豫章人。

爲仲堪功曹。藩謂曰。殷侯倒戈授人。必及于禍。君不早去。悔無及矣。

立子德文爲琅邪王。徙道子爲會稽王。

李遼表請修孔子廟。不報。

清河人李遼上表。請勅兗州修孔子廟。給戶灑掃。仍立庠序以教學者。曰。事有如賒而實急者。此之謂也。疏奏。不省。

癸巳十八年冬十月。燕主垂擊西燕。

燕主垂議伐西燕。諸將皆曰。未可。范陽王德曰。永國之

後漢書卷之三十六
三
枝葉僭舉位號。宜先除之。以壹民心。垂曰。司徒意與吾同。吾雖老。叩囊底智。足以取之。終不留此賊。以遺子孫也。遂發中山。次于鄴。

十二月。後秦主苻卒。太子興

字子畧。

帥兵擊秦。

先是秦主登聞後秦主苻病大喜。秣馬厲兵。進逼安定。苻疾小瘳。出兵拒之。登懼而還。苻夜引兵躡其後。旦而候騎告登曰。賊營已空。不知所向。登驚曰。彼爲何人。去來不令我覺。謂其將死。忽然復至。朕與此羌同世。何其厄哉。登遂還雍。苻亦還安定。已而登丞相竇衝叛。登討之。衝求救于苻。苻使太子興將兵攻胡空堡。登解衝圍。以赴之。興因襲平涼。大獲而還。至是。苻疾甚。還長安。召

太尉姚晏僕射尹緯受遺詔輔政。謂太子興曰：有毀此諸公者，慎勿受之。汝撫骨肉以恩，接大臣以禮，待物以信，遇民以仁。四者不失，吾無憂矣。薨卒，興秘不發喪。自稱大將軍，率眾伐秦。明年登聞薨，死，喜曰：姚興小兒，吾折杖笞之耳。乃悉眾而東，與使尹緯與戰，大敗之。其眾夜潰，登單騎奔平涼，收遺眾入馬毛山。于是興始發喪，即帝位。馬毛山在平涼府固原

州西南亦曰馬髦嶺。

甲十九年。秦主苻崇延初元年。後秦主姚興皇初元年是午歲。秦及西燕亡。大國二。燕後秦。魏小國二。後涼。

西秦比五僭國。春正月，三河王光以禿髮烏孤樹機能從弟務九之元孫樹機能

見前為河西都統。

烏孤雄勇有大志，其父思復健卒。烏孤嗣立，與大將紛陁謀取涼州。紛陁曰：公必欲得涼州，宜先務農講武，禮

賢修政。然後可也。烏孤從之。呂光遣使拜烏孤鮮卑大都統。羣下皆曰。吾士馬衆多。何爲屬人。石真若留曰。吾根本未固。大小非敵。不如受以驕之。俟釁而動。烏孤乃受之。胡三省曰。此言烏孤所以興。

夏六月。追尊會稽太妃鄭氏曰簡文宣太后。

羣臣或問宣太后應配食元帝。太子前率徐邈曰。太后

平日不伉儷于先帝。子孫豈可爲祖考立配。國學助教

簡文。帝置。臧燾。字德仁。東莞莒人。曰。尊號旣正。則罔極之情申。別建

寢廟。則嚴禰之義顯。繫子爲稱。兼明貴之所由。一舉而

合三義。不亦善乎。乃立廟于太廟路西。

秋七月。後秦主興擊秦主登。殺之。秦太子崇立奔湟中。

後秦主興自安定如涇陽與秦主登戰于山南。馬毛山之南執登殺之悉散其衆使歸農業登太子崇奔湟中稱帝

改元

八月尊太妃李氏爲皇太后。居崇訓宮

燕主垂圍長子拔之殺西燕主永

燕主垂部分諸將出壺關。注見前湫口。在河南彰德府臨漳縣西元和志湫

水出涇陽縣鼓山泉源奮湧如釜揚湯故以湫口名之沙庭。在直隸大名府元城縣東南春秋定公七

年齊侯衛侯盟于沙卽此庭當作亭以擊西燕標榜所趣軍各就頓西燕

主永聞之分道拒守聚糧臺壁。在山西潞安府黎城縣西南水經注潞縣北對

故壁臺本潞子所立世謂之臺壁遣兵戍之旣而垂頓軍不進永疑垂

欲詭道由太行入乃悉斂諸軍杜太行口惟留臺壁一

軍。于是垂引大軍出淦口。入天井關。注見前。至臺壁。破之。

永召太行軍還。自將拒之。垂陳于臺壁南。遣千騎伏澗

下。及戰。偽退。永眾追之。澗中伏發。斷其後。諸軍四面俱

進。大破之。永走歸。長子垂進圍之。永困急。求救于晉魏。

兵皆未至。將士開門納燕兵。垂執永。斬之。得所統八郡

七萬餘戶。

西燕自慕容泓改元。至永亡。凡六主。合十一年。

冬。秦主崇及隴西王楊定攻西秦。兵敗皆死。定弟盛遣使

來稱藩。

西秦王乾歸攻秦主崇。崇奔隴西王楊定。

定。楊毅從孫也。先為秦將。

軍。與西燕戰。兵敗。被執。已而亡。奔隴右。收集舊眾。徙治歷城。自稱仇池公。稱藩于晉。後又取天水。畧陽之地。自

稱隴西王。

定帥眾三萬與崇共攻乾歸。大敗。見殺。苻氏遂亡。

前秦自苻健僭立。至崇
亡。凡六主。合四十四年。乾歸于是盡有隴西之地。自稱

秦王。定叔父之子盛先守仇池。至是乃自稱秦州刺史。

仇池公遣使稱藩于建康。分以羌爲二十部護軍。各爲

鎮戍。不置郡縣。

乙未二十一年春二月庚辰朔日食。

以丹陽尹王雅領太子少傅。

時會稽王道子專權奢縱。趙牙本倡優。如千秋本捕賊

吏也。皆以詔賂得進。

牙爲道子開東第。築山穿池。功用
鉅萬。帝常幸其第。謂道子曰。府內

乃有山。甚善。然修飾太過。道子無以對。帝去。道子謂牙

曰。上若知山是人力所爲。爾必死矣。牙曰。公在。牙何敢

死。營作彌盛。千秋賣

官招權聚貨累億。帝益怒道子。而逼于太后。不忍廢

黜。乃擢王恭殷仲堪王珣王雅等居內外要任以防之。

道子亦引王國寶王緒國寶從弟為心腹由是朋黨競起無

復鄉時友愛之驩太后母和解之

秋七月長星見漢書注文穎曰字彗長三星形象小異字星光芒四出彗星光芒如掃彗長星光芒

直指或竟天或十丈二三丈無常也

有長星見自須女至于哭星晉書天文志須女四星帝天少府虛二星主哭泣

心惡之于華林園舉酒祝之曰長星勸汝一杯酒自古

何有萬歲天子邪

燕遣其太子寶擊魏魏王珪敗之于參合陂

初魏王珪遣其弟觚珪叔父入貢于燕燕主垂衰老諸

子用事留觚以求良馬珪弗與遂叛燕侵逼附塞諸郡

燕主垂遣太子寶帥眾八萬自五原伐魏散騎常侍高湖諫曰魏與

燕世爲婚姻。結好久矣。間以求馬不獲而留其弟。曲在于我。奈何遽擊之。珪沈勇有謀。幼歷艱難。兵精馬彊。未可輕也。太子年少氣壯。必小魏而易之。萬一不如所欲。傷威損重。願陛下圖之。垂怒免潮官。高潮字大淵渤海人。魏張袞言于珪曰。燕狙于滑臺長子之捷。有輕我心。宜羸形以驕之。乃可克也。珪從之。悉徙部落畜產。西

渡河千餘里以避之。燕軍至五原。降魏別部三萬餘家。進軍臨河欲濟。魏王珪將兵拒之。先是。寶之發中山也。燕主垂已有疾。既至五原。珪使人邀中山之路。伺其使者盡執之。寶等數月不聞垂起居。珪使所執使者臨河告之曰。若父已死。何不早歸。寶等憂恐。士卒駭動。乃夜遁。珪選精銳二萬餘騎追擊。大敗之于參合陂。特河水未結。寶以魏軍必不能渡。不設斥候。俄而暴風水合。珪引兵濟河。晨夜兼行至參合陂西。燕軍在陂東山南水上。珪夜

部分諸部。令士卒銜枚束馬口。潛進旦日登山。下臨燕營。燕軍大驚擾亂。珪縱兵擊之。死者萬數。復禽四五萬人。寶等單騎僅免。燕司徒德言于垂曰。虜以其捷。有輕太子心。

宜及陛下神畧以服之。不然。將為後患。垂乃會兵中山。期以明年大舉擊魏。

丙申

二十一年。

燕主慕容寶永康元年。魏皇始元年。涼龍飛元年。

春閏三月。燕主垂

襲魏平城。克之。夏四月。還。卒于上谷。太子寶立。

燕主垂留范陽王德守中山。引兵密發。踰青嶺。

胡三省注。即廣

昌嶺。所謂五迴道也。五迴山。在

今易州廣昌縣。亦曰廣昌嶺。胡三省注。廣昌

積石壁立。蓋

即天門也。鑿山通道。出魏不意。直指雲中。魏陳留公

虔

什翼犍子。

鎮平城。垂襲之。虔出戰。敗死。燕軍盡收其部落。

魏王珪震怖欲走。諸部皆有一心。會垂疾篤。還。

垂之過參合陂

也。見積骸如山。爲之設祭。軍士慟哭。聲震山谷。垂慚忿。嘔血。由是疾轉篤。乃築燕昌城而還。燕昌城在大同府大同縣北。卒于上谷。寶卽位。

燕主寶弑其太后段氏。

寶初爲太子。有美稱。已而荒怠。中外失望。段后嘗言于燕主垂。以太子非濟世之才。宜擇一人付以大業。趙王麟。姦詐彊愎。必爲國患。宜早圖之。垂不從。及是。寶卽位。使麟逼段后自裁。段氏曰。汝兄弟不難逼殺其母。況能守先業乎。吾豈愛死。但念國亡不久。臣遂自殺。

六月。三河王光自稱涼天王。

光卽天王位。國號大涼。置百官。遣使拜禿髮烏孤益州牧。烏孤謂使者曰。呂王諸子貪淫。三甥暴虐。遠近愁苦。

晉安可違百姓之心。受不義之爵乎。留其鼓吹羽儀。謝遣之。

秋八月。魏王珪擊燕。九月。燕慕容農及魏師戰。敗走。魏遂取并州。

魏羣臣勸魏王珪稱尊號。珪始建天子旌旗。出入警蹕。

參軍張恂

字洪讓。衮之子。

勸珪進取中原。珪善之。乃大舉伐燕。

步騎四十餘萬。

南出馬邑。踰勾注。

注俱見前。

旌旗亘千餘里。

鼓行而進。遣別將從東道襲幽州。九月。珪軍至晉陽。慕容農出戰。大敗奔還。

司馬慕容廆閉門拒之。農遂東走。

魏追獲其妻子。燕軍盡沒。農獨與三騎逃歸中山。魏遂

取并州。

初建臺省。置刺史。太守。尚書郎。以下官。悉用儒生爲之。士大夫詣軍門者。皆引入存慰。使人人

盡言稍有才用咸加擢敘以張恂等為諸郡守招撫離散勸課農桑

貴人張氏弑帝于清暑殿太子德宗即位會稽王道子進

位太傅冬十月葬隆平陵在江寧府上元縣

帝嗜酒流連內殿外人罕得進見張貴人寵冠後宮時

年近三十帝戲之曰汝以年亦當廢矣吾意更屬少者

已而醉寢清暑殿貴人使婢以被蒙帝面而弑之重賄

左右曰因魘暴崩時太子闇弱會稽王道子昏荒遂不

復推問王國寶夜叩禁門欲為遺詔侍中王爽恭之弟拒

之曰大行晏駕皇太子未至敢入者斬國寶乃止太子

即位道子進位太傅揚州牧假黃鉞太子幼而不慧口不能言至于寒暑

飢飽亦不能辨飲食寢興皆非已出母弟琅邪王德文嘗侍左右為之節適初國寶黨附道

德宗幼而不慧至不辨饑飽寒暑豈尚可授以主體晉惠取鑒不遠故徂於立長立嫡而昧於為天下得

人者直庸主耳其罪與已
身失天下同

子驕縱不法武帝惡之國寶懼遂更媚于帝而疎道子
及帝崩國寶復事道子與王緒共為邪詔道子又倚為
心腹遂參管朝權威震內外王恭入赴山陵每正色直
言道子憚之深布腹心而恭每及時政輒厲聲色道子
遂欲圖之或勸恭誅國寶王珣曰彼罪逆未彰今先事
而發必失朝野之望恭乃止既而謂珣曰比
來視君一似胡廣珣曰王陵廷山陵既畢恭將還鎮謂
爭陳平慎默但問歲晏何如耳
道子曰主上諒闇冢宰之任伊周所難惟大王親萬機
納直言放鄭聲遠佞人國寶等愈懼

魏王珪拔常山

魏王珪使冠軍將軍于栗磾

魏書官氏志詰汾時諸部
內入者有勿怙於氏後改

于氏栗磾

潛自晉陽開韓信故道

信自井陘
伐趙之路

自井陘趣中

山進攻常山拔之郡縣皆降唯中山鄴信都三城為燕守珪將進攻中山既而謂諸將曰中山城固急攻則傷士久圍則費糧不如先取信都然後圖之乃引兵而南

高陽太守崔宏

字元伯東武城人

奔海渚

胡三省注海中洲也

珪素聞其

名遣吏追獲以為黃門侍郎與張袞對掌機要創立法

度博陵令屈遵

字子度昌黎徒河人

降以為中書令出納號令兼

總文誥

時魏東平公儀攻鄴燕范陽王德擊破之魏軍退屯新城已而儀司馬丁建陰與燕通引燕兵

擊儀儀軍遂潰

安皇帝

丁隆安元年

南涼王禿髮烏孤太初元年北涼王段業神璽元年舊大國三燕秦魏小國二涼西秦新

小國二南涼北涼凡七僭國

春正月魏王珪擊信都降之

禿髮烏孤自稱西平王。攻涼。取京城。是為南涼。

先是烏孤擊乙弗折掘部。二部皆在禿髮氏之西。降之。徙都廉川。

故城在今西寧府碾伯縣前。廣武。注見前。趙振少好奇畧。棄家從烏孤。烏

孤喜曰。吾得趙生。大事濟矣。拜左司馬。至是烏孤稱王。

改元。治兵廣武。攻涼金城。克之。已而烏孤取嶺南五部。更稱武威王。徙治樂都。

嶺南。洪池嶺南也。洪池嶺。注見前。樂都。涼郡。今西寧府碾伯縣是。

二月。燕主寶襲擊魏軍。大敗奔還。

魏王珪自信都還。燕主寶悉發其眾以邀之。營于滹沱水北。魏軍至。營水南。寶潛師夜濟。襲魏營。因風縱火。魏軍大亂。珪棄營走。既而燕兵無故自相斫射。珪望見之。乃擊鼓收眾。多布火炬于營外。縱兵衝之。燕兵大敗。引

還。魏兵隨而擊之。燕兵屢敗。寶懼棄軍。以二萬騎奔還。時大風雪。凍死者相枕藉。尚書郎慕輿皓謀弑寶。立趙王麟。不克。奔魏。麟由是不安。

三月。燕幽平牧慕容會。寶之庶子。引兵至薊。慕容麟作亂。出走。

魏王珪進圍中山。燕主寶奔會軍。慕容詳城守拒魏。

初。燕清河王會開魏兵東下。表求赴難。而無行意。會雄

器藝。燕主垂愛之。遣鎮龍城。遺言命寶以爲嗣。寶愛少子策。立之。會因是慍。對有異志。燕主寶怒。

切責之。會不得已。乃上道徐進。至是始達薊城。魏圍中

山既久。城中將士皆思出戰。高陽王隆爲寶屢言之。趙

王麟每沮其議。隆成列而罷者數四。衆大忿恨。麟以兵

劫北地王精。使率禁兵弑寶。精以義拒之。麟怒。殺精。出

奔西山。依丁零餘衆。于是城中震駭。寶恐麟奪會軍。乃召隆及遼西王農。謀走保龍城。夜與太子策及隆、農等萬餘騎出赴會軍。城中無主。百姓惶惑。開封公詳從寶不及。城中立以爲主。閉門拒守。珪盡衆攻之。不拔。寶出中山會帥騎卒二萬迎于薊南。寶怪會有恨色。分其兵給農。隆北趣龍城。魏兵追之。會整陳與戰。農、隆等復以騎衝之。魏兵大敗。追奔百餘里。會旣敗魏兵。矜狠滋甚。遂謀作亂。襲隆殺之。農被重創。亡走。寶欲計會。陽爲好言以安之。因召羣臣食。會就坐。寶曰：「慕輿騰斬會。傷首不死。走赴其軍。勒兵攻寶。寶馳至龍城。會引兵頓城下。城中將士皆憤怒。出破會軍。侍御郎高雲復夜襲之。會衆潰奔中山。慕容詳殺之。寶以雲爲將軍。養以爲子。」高雲驍之支屬。

尊皇太后李氏爲太皇太后。立皇后王氏。

夏四月。王恭舉兵反。詔誅僕射王國寶。將軍王緒恭罷兵。

遺錄

王國寶王緒依附會稽王道子。惡王恭殷仲堪勸道子裁損其兵權。恭遣使與仲堪謀討國寶等。桓元亦以仕不得志。欲假仲堪兵勢以作亂。乃說仲堪曰。國寶與君。惟患相斃之不速。今既執大權。無不如志。若發詔徵君。何以處之。仲堪曰。計將安出。元曰。孝伯疾惡深至。宜潛與之約。興晉陽之甲。以除君側之惡。元雖不肖。願帥荆楚豪傑。荷戈先驅。此桓文之勲也。仲堪疑未決。于是外刺史郗恢。內與從兄南蠻校尉覲。南郡相江績。謀之。覲曰。人臣當守職分。朝廷是非。豈藩屏所制也。晉陽之事。不敢預聞。績亦極言其不可。覲恐績及禍。和解之。績曰。大丈夫何至以死相脅邪。江仲元行年六十。但求獲死所耳。仲堪憚其堅正。以楊佺期代之。朝廷聞之。徵績爲御史中丞。覲遂以疾辭位。仲堪往省之。曰。兄病殊可憂。

曰。我疾不過身死。汝病乃當滅門。宜深自愛。勿以我爲念。和恢亦不肯從。和恢字道胤。曇之子。殷覲字伯通。

續字仲元。陳留圉人。

會恭使至。仲堪乃許之。恭大喜。上表罪狀

國寶。舉兵討之。表至。內外戒嚴。國寶懼。不知所爲。問計于王珣。珣曰。王殷與卿素無深怨。所競不過勢利之間耳。國寶曰。將曹爽我乎。珣曰。是何言歟。卿寧有爽之罪。孝伯豈宣帝之儔邪。又問計于車胤。胤曰。今朝廷遣軍。恭必城守。若京口未拔。上流奄至。何以待之。國寶遂上疏解職待罪。道子闇懦。欲求姑息。乃賜國寶死。斬緒于市。遣使謝恭。恭乃罷兵還京口。仲堪初猶豫不敢下。聞國寶死。始抗表舉兵。道子以書止之。仲堪乃還。以會稽世子元顯爲征虜將軍。

元顯年十六有偶材。為侍中。說曾稽王道子。以王殷終必為患。請潛為之備。道子乃拜元顯征虜將軍。以其衛府及徐州文武悉配之。

涼沮渠蒙遜

張掖盧水胡人。匈奴沮渠王之後。以官為氏。

叛。推段業

京兆人。

為建

康

前涼所置郡。故城在今肅州高臺縣。

公以眾歸之。

是為北涼。

蒙遜之先世為部帥。其諸父羅讐、麴粥皆臣于涼。涼王

光殺之。蒙遜因叛涼。起兵攻臨松郡。

前涼置。故城在今甘州府張掖縣。

拔之。屯據金山。

在甘州府山丹縣西南。

蒙遜從兄男成聞蒙遜起。

亦合眾攻建康。會蒙遜為光子纂

字承緒。

所破。男成遣使

說建康太守段業。推為涼州牧建康公。

改元神璽。

蒙遜帥眾

歸之。業以男成為輔國將軍。蒙遜為鎮西將軍。光命纂

攻之不克。

業自稱涼王。以蒙遜為尚書左丞。

秋九月。秦太后蚩氏卒。

自此後秦止稱秦。

秦太后卒。秦主興哀毀過禮。不親庶政。羣臣請依漢魏

故事。既葬即吉。尚書郎李嵩上疏曰。孝治天下。先王之

高事也。宜遵聖性以光道訓。既葬之後。素服臨朝。尹緯

駿曰。嵩矯常越禮。請付有司論罪。興曰。嵩忠臣孝子。有

何罪乎。其如嵩議。

興勤于政事。延納善言。杜瑾等以論事得顯拔。姜龕等以儒學見尊禮。古

成誦等以文章參機密。誦剛介雅正。以風教為己任。京兆韋高慕阮籍為人。居母喪。彈琴飲酒。誦聞之而泣。持

劍欲殺之。高懼而逃匿。姜龕。天水人。古成複姓。誦名也。

冬十月。魏王珪克中山。

先是。燕開封公詳稱帝于中山。

中山城無定主。民恐魏兵乘之。男女結盟。人自

周武以甲子興一語足破
陰陽家禁忌之惑進戰克
捷乃乘其銳氣而用之稍
存猶豫鮮有不坐失事機
者

為戰。魏王珪罷圍。就穀河間。詳自
謂能卻魏兵。威德已振。遂即帝位。已而趙王麟襲殺詳
而自立。詳嗜酒奢淫。刑殺無度。羣下離心。城中饑窘。麟襲殺之。自立以拒魏。至是中山饑

甚。魏王珪進攻之。太史令鼂崇字子業。遼東襄平人。曰。不吉。紂以

甲子亡。謂之疾日。珪曰。紂以甲子亡。周武不以甲子興

乎。遂進。與麟戰于義臺。即古野臺。在正定府新樂縣西南。括地志。野臺一名義臺。大

破之。麟奔鄴。魏克中山。得燕璽。綬圖書。府庫珍寶以萬

數。班賞將士。

戊二年。燕主慕容盛建平元年。魏天興元年。南燕主慕容德元年。舊大國三。燕。秦。魏。小國四。西秦。涼。南涼。北

涼。新小國一。南燕。凡八僭國。春正月。燕慕容德徙居滑臺。稱燕王。是為南燕。

慕容麟奔鄴。復稱趙王。說范陽王德南趣滑臺。阻河以

待魏。時魯王和德之弟鎮滑臺。亦遣使迎德。德許之。自鄴

帥戶四萬南徙滑臺。

魏衛王儀入鄴追德至河弗及。儀攻中山時珪封爲衛王。慕

容麟上尊號于德。德用兄垂故事稱燕王以統府行帝制。置百官。麟復謀反。德殺之。

魏王珪北還。徙山東民夷十餘萬口以實代。

二月以王愉

字茂和。坦之子。

都督江豫州軍事。

會稽王道子忌王殷之逼以譙王尙之。

字伯道。承之曾孫。

及弟

休之。

字季預。

有才畧。引爲腹心。尙之曰。今方鎮彊盛。宰輔

權輕。宜樹腹心于外以自衛。道子乃以其司馬王愉爲

江州刺史。都督江州及豫之四郡軍事。日夜謀議以伺

四方之隙。

魏封爾朱羽健

其先契胡部落大人。居爾朱川。因以爲氏。

于秀容川。

胡三省注。此北秀容。

地近平城

秀容川酋長爾朱羽健從魏王珪攻晉陽中山有功環其所居割地三百里以封之

燕衛卒段速骨作亂三月攻陷龍城燕主寶出奔尚書蘭汗誘而弑之秋七月長樂王盛討殺蘭汗攝行統制

初燕人有自中山至龍城者言魏王珪衰弱于是燕主寶欲取中原調兵悉集已而聞中山已陷乃命罷兵遼西王農請因成師襲庫莫奚

東部鮮卑之別種

寶從之遂北行

會南燕王德遣使來告珪已西還中國空虛寶大喜卽日引還詔諸軍就頓不聽罷散乃留長樂王盛統後事

自引兵而南長上

衛兵之不番代者

段速骨等因衆心之憚征

役逼立高陽王隆之子崇爲主。寶將十餘騎奔還龍城。速骨攻之。尚書蘭汗陰與通謀。城遂陷。寶及盛輕騎南走。速骨以高陽王崇幼弱。欲更立農。崇黨聞之。遂殺農。蘭汗又襲殺速骨。廢崇。奉太子策承制。遣使迎寶。盛以汗不可信。勸寶南就范陽王德。先遣使告德奉迎。德遣慕容護帥壯士數百人而北。聲言迎衛。其實圖之。寶聞德已稱制。亦懼而北走。遣盛收兵冀州。會蘭汗復遣使奉迎。寶以汗乃父垂之舅。又盛妃之父。謂必無他。遂行。盛流涕固諫。不聽。乃逃匿。寶去龍城四十里。汗遣弟加難帥五百騎迎入外邸而弑之。并殺太子策。汗自稱昌黎王。盛欲赴哀從者止之。盛曰。我今以窮歸汗。汗性愚。

淺。必念婚姻。不忍殺我。旬月之間。足以展吾志。遂往見汗。汗果哀之。乃舍之于宮中。親待如舊。汗兄提。驕狠荒淫。事汗無禮。盛因而間之。汗兄弟漸生嫌忌。久之。其黨自相攻擊。盛乃乘間殺汗。龍城自夏不雨。至于七月。汗日詣燕諸廟禱請。委罪加難。加難怒。叛汗。汗遣太子穆擊破之。還饗將士。汗。穆皆醉。盛因踰垣入東宮。殺穆。諸軍聞盛得出。皆呼躍爭先。攻汗。斬之。告于太廟。下令大赦。改元。以長樂王攝行統制。

魏遷都平城。

魏遷都平城。始營宮室。建宗廟。立社稷。宗廟歲五祭。用分至及臘。魏王珽命有司正封畿。標道里。平權衡。審度量。遣使循行郡國。察守宰不法者。親考察黜陟之。

王恭。殷仲堪。及南郡公桓元反。元陷江州。

桓元求爲廣州。會稽王道子忌元在荊州。因從之。元受

命而不行。豫州刺史庾楷

亮之孫

以道子割其四郡屬王

愉。上疏言。江州內地。而西府

晉以京口爲北府。歷陽爲西府。豫州治歷陽。楷故云。

北帶寇戎。不應使愉分督。朝廷不許。楷怒。遣其子鴻說

王恭曰。尙之兄弟。復秉機權。欲削方鎮。宜早圖之。恭以

爲然。以告殷仲堪。及元。皆許之。推恭爲盟主。刻期同趣

京師。

恭司馬劉牢之諫曰。會稽王道子。天子叔父也。而

又當國秉政。擲爲將軍。割其所愛。其伏將軍已多矣。頃所授任。雖未允愜。亦無大失。割庾楷四郡。以配

王愉。于將軍何損。晉陽之甲。豈可數興乎。恭不從。上表請討王愉。司馬尙之兄弟。朝廷憂懼。內外戒嚴。道子

不知所爲。悉以事委世子元顯。日飲醇酒而已。

元顯聰警。頗涉

文義。志氣果銳。以安危爲己任。仲堪聞恭舉兵。勒兵趣附之者。謂其英武有明帝之風。

發悉以軍事委南郡相楊佺期兄弟。佺期帥舟師五千爲前鋒。桓元次之。仲堪帥精兵二萬繼下。八月佺期及元奄至湓口。王愉無備。惶遽奔臨川。吳郡治臨汝。今江西撫州府臨川縣是。元追獲之。

九月。加會稽王道子黃鉞。討王恭。恭司馬劉牢之執恭以降。斬之。以牢之都督青兗七州軍事。桓元爲江州刺史。楊佺期爲雍州刺史。敕殷仲堪使回軍。

九月。加會稽王道子黃鉞。以世子元顯爲征討都督。遣王珣將兵討王恭。譙王尚之將兵討庾楷。尚之大破楷于牛渚。楷奔桓元。元大破官軍于白石。山名。在今廬州府無爲州西。水經注。柵口水。遵巢湖。又

東。合白石山水。卽此。進至橫江。尚之退走。道子屯中

恭初以恭威感朝廷已如奪踐田之牛身陷不義至國寶等既誅自謂威無不行動輒舉兵向闕小人無忌憚孰甚於此而以欲忠社稷自解其誰欺百世之下知有王恭亦所謂遺臭萬年耳

堂元顯守石頭。珣守北郊以備之。恭素以才地傲物。既

殺王國寶。自謂威無不行。仗劉牢之為爪牙。而以部曲

將遇之。牢之負才懷恨。元顯知之。遣人說牢之使叛恭。

事成。授以恭位號。牢之謂其子敬宣曰。恭為帝舅。不能

何如。敬宣曰。朝廷雖無成康之美。亦無幽厲之惡。而恭恃其兵威。暴蔑王室。大人與恭親。非骨肉。義非君臣。今

日討之。于情義何有。恭軍何澹之。知其謀。以告恭。恭不信。更置酒拜牢之為兄。精兵堅甲。悉以付之。恭使

牢之帥帳下督顏延為前鋒。牢之至竹里。山名。在江寧府句容縣北。

元和志。山甚傾險。斬延以降。遣敬宣還襲恭。恭兵潰亡。行者號翻車峴。

走為人所獲。送京師斬之。恭臨刑。神色自若。謂監刑者曰。我闔于信人。所以至此。然

其本心。豈不欲忠于社稷耶。詔以牢之代恭為都督刺

但令百世之下。知有王恭耳。史。鎮京口。俄而楊佺期。桓元至石頭。殷仲堪至蕪湖。上

王恭以討國寶為名即殺國寶劉牢之殺恭即令代恭欲元等取仲堪即授之江雍欲仲堪罷兵即還以荆益督政不綱至此極矣前此王敦蘇峻桓溫等雖奸雄久蓄異志尚不能闖干至是桓元以一狂妄少年不勞而竊神器可見國是益非則逆謀益易逞理

表理王恭求誅牢之牢之帥北府之眾馳赴京師軍于

新亭俟期元見之皆失色回軍蔡洲在江寧縣西大江中朝廷未

知西軍虛實內外憂逼桓修字承祖冲之子言于道子曰今若

以重利啗元及俟期二人必內喜元能制仲堪俟期可

使倒戈取仲堪矣道子納之以元為江州刺史俟期為

雍州刺史黜仲堪為廣州刺史遣使宣詔敕使回軍仲堪

得詔書大怒趣元俟期進軍元等喜于朝命欲受之仲

堪遽自蕪湖南歸且諭散蔡洲軍士元等大懼追仲堪

及之尋陽乃以子弟交質而盟連名上疏申理王恭求

誅劉牢之及譙王尚之並訴仲堪無罪朝廷深憚之復

詔推元為盟主各還所鎮

冬十月燕長樂王盛稱皇帝

盛稱帝未幾復自貶號稱庶人天王

勢必然足為千古炯戒

十二月。魏王珪稱皇帝。

魏王珪命吏部郎鄧淵

字彥海。安定人。

立官制。協音律。儀曹郎

董謐

清河人。

制禮儀。三公郎王德定律令。太史令鼂崇考

天象。尚書崔宏總而裁之。以為永式。十二月。珪即皇帝

位。命朝野皆束髮加帽。追尊遠祖毛以下二十七人。皆

為皇帝。倣古制。定郊廟祭饗禮樂。又用崔宏議。自謂黃

帝之後。以土德王。徙六州二十二郡。守宰豪傑二千家

于代都。東至代郡。

胡三省注。此依漢郡而言。漢代郡治桑乾。故城在今宣化府蔚州。

西

及善無。

漢縣。後魏為郡。故城在今山西朔平府右玉縣。

南極陰館。

注見前。

北盡參

合。

漢縣。晉廢魏復置。故城在今朔平府左雲縣。

皆為畿內。其外四方四維。置

八部帥以監之。

妖人孫泰

琅邪人。

謀亂伏誅。

初泰學妖術于杜子恭。

錢塘人。

士民多奉之。王珣惡之。流

泰于廣州。王雅薦于孝武帝云。知養性之方。召還。累官

至新安太守。泰知晉祚將終。以討王恭爲名。收兵聚貨。

謀作亂。會稽內史謝輜發其謀。會稽王道子誘而斬之。

并其六子。兄子恩逃入海。愚民猶以爲泰蟬蛻不死。就

海中資給之。恩乃聚合亡命。得百餘人。以謀復仇。

